

# *MOLIMO O ITSEBISA*

## *KA LIKHATISO TSA OONA*

 Ke ne ke batla ke makalitsoe ke ho bona motsoalle oa ka,  
 Joseph Boze, mono, eaba ke retoloha nakoana ho tsukutla  
 letsoho la hae.

<sup>2</sup> Ha re phetleng Lentsoe la Molimo joale, ho Baheberu, khaolo  
 ea 1. Ke batla ho bala, karoloana, temana ea 1, ea 2, le ea 3, ho  
 rala therō ea bosiu bona.

*Molimo, mehleng ea khale ha o buile hangata mehleng  
 ea khale le kamekhoa e mengata le bo-ntata rōna ka  
 baporofeta,*

*Joale mehleng ena ea qetello o buile rōna ka Mora oa  
 oona, eo o'meileng mojalefa oa ntho tsohle, eo ka eēna  
 o entseng tse bōpiloeng kaofela;*

*Eēna eo a leng lehlaseli la khanya ea oona, le  
 setšoantšo sa boleng ba oona, ea kakatlelang lintho  
 tsohle ka lentsoe la a matla a hae, itse hobane a etse  
 hlatsuo ea libe tsa rōna... a lula ka letsohong le letona  
 la Boholo bo holimō;*

<sup>3</sup> Ha re inamiseng lihlooho tsa rōna joale thapelong. 'Me joale  
 ka pel'a Sefahleho sa Hae se Khethehileng, haeba u tšoere kōpo  
 efe u rata ho Mo tsebisa eona, na u ka phahamisa letsoho la hau,  
 'me eona ke kōpo ea hao, e reng Molimo o tla . . .

<sup>4</sup> Ntata rōna ea Maholimōng, re nyolohela joale ka pel'a terone  
 ea Hao, ka tumelo Lebitsong la Jesu Kreste, Mora oa Hao. 'Me re  
 neiloe kholiso ena, ha thoe, "Ha re kōpa eng le eng ka Lebitso la  
 Hae, e tla abjoa." 'Me Uena u tseba litakatso tsa rōna le litlhoko,  
 'me U tsepisitse hobane U tla aba tsohle tseo re li hlokang.  
 Ka hona, Ntate, re tla rapela ka moo U re rutileng, "'Muso oa  
 Hau o tle. Thato ea Hao e etsoe lefatšeng, joaloka ha e etsoa  
 Leholidmōng." Hore kōpo ea rōna, bosiu bona, e abjoe ho latēla  
 takatso ea Hau, 'me u re nehe menyetla ena. Tlotsa Lentsoe,  
 Morena, le libui tsohle le bamameli, 'me Moea o Halalelang o  
 kene e be mophethisi oa Lentsoe, bosius bona, har'a rōna. Hobo  
 re e kōpo ka Lebitso la Hae. Amen.

Le ka lula fatše.

<sup>5</sup> Hosane hoseng, ha ke utloisia, ke borakefese ba Full Gospel  
 Business Men. Ka tloaelo, ha ba tšoara selallo, ke fuoa monyetla  
 oa ho bua borakefeseng ba bona. Ho fihlela nako ena, ke oona  
 feela mokhatlo, etsoe e se nokhatlo, empa, ke sona feela sehlopha

seo ke—ke leng setho sa sona, ke Christian Business Men. 'Me joale ke mpa ke ba buella, machabebg.

<sup>6</sup> Joale, bosiung bona, re tsepile kopano ena e ke ke ea e ba lefeela. Ke tlie ho lōna, ke khathetse, ka 'metso o cheleng, 'me ke foue bronical e nyenyane ho tsoa . . .

<sup>7</sup> Ke tsoa Tucson teng ho hotle 'me ho omme, 'me ke tlie koano 'me ho hotle ho mongobo, ehlile lia thulana. Haeba le ka tlisa metsi 'ohle ka mona, haeba le ka re romella oona, re ka e ananela. Empa le ka sitoa ho etsa joalo, ehlile.

<sup>8</sup> Empa ke tla le bolella ntho e le 'ngoe, ho na le setšoantšo mona. Lintho tsohle tsa rōna—tsa rōna—tsa rōna Arizona, lifate tsa rōna, li metse meutloa. Ntho e 'ngoe le e 'ngoe e metse moutloa. Hobane ho omme. Joale ha sehlahla seo se ka mela mona, e tla ba lehlaku le ratehang le letle. Ua bona, ha a na metsi, lebaka leo a fetohang tšeħlo.

<sup>9</sup> 'Me kereke ha e hloka Metsi a Bophelo, e a omella e a hlabia, le eona, ho hlabia le ho theselaka ntho e 'ngoe le e 'ngoe. Empa moo metsi a Bophelo a phallang, a phetla lehlaku a le nolofatsa, le eba bonolo le mosa, le a halalela le amoheleha ho Molimo. Ka hona Morena Molimo a re nosetse, bosiung bona, re se fetoh litšeħlo; re mpe re be mahlaku ao batho ba lahlehileng ba ka lulang tla's'a moriti oa sefate sa rōna 'me ba fumanele meeā ea bona phomolo.

<sup>10</sup> Joale ke batla ho nka therō, bosiung bona, haeba Morena a ratile, 'me ke atametsa maekrofounu ona haufi ka moo nka khonang, ka baka la khaello ea lentsoe. Ke batla joalo, ho tsoa palong ea Baheberu 1:1 mona, ke batla ho nka therō ea: *Molimo O Itsebisa Ka Likhatiso Tsa Oona*. Ha nke ke e phethe, hobane ke tseba melumo e le mebe mona. Molimo o Itsebisa ka likhatiso tsa Oona.

<sup>11</sup> Joale, hangata ntho efe e itsebisa ka likhatiso tsa tsona. 'Me mona ke tšoere Mangolo a 'maloa ao ke ratang . . . le ntlha, eooke ratang ho lebisa ho eona. Joale, khatiso ea ntho efe e tsebisa seo e leng sona.

<sup>12</sup> Joale, tlhaho eohle e a tšoana, lipalesa li tsebjoa, khafetsa, ka khatiso ea tsona. Haeba li bapile, mofuta o mong nq'a ho o mong, khatiso ea palesa eo e tsebisa seo palesa e leng sona. 'Me bophelong bo hlaha, hangata . . .

<sup>13</sup> 'Na, ke setsomi. 'Me u tlameha ho tseba khatiso ea phoofoeo u e tsomang, ho seng joalo ka linako tse ling u ka thetsoa habonolo. Ho tea mohlala, joaloka Stone Sheep holimō koana British Columbia. Ke ne ke le feela tla's'a Yukon ngoaha o fetileng ona, seholpha sa baena mona joale se se ne se etile le 'na, 'me re ntse re tsoma.

<sup>14</sup> Joale haeba u sa tsebe phapang, haeba u setse mohlala oa nku kapa oa khama morao, u ke ke ua khetha phapang haese ha u le setsumi se seli. Hobane, mehlala ea tsona e a tšoana; ha

li baleha li a itlama. 'Me ha u bona e 'ngoe e eme thokoana, e patile hlooho ea eona, khele, u—u ka batla u sa tsebe phapang. Lirope tsa tsona morao mona li batla li lekana ka boholo; e t̄soeu, e t̄soana le khama hantle. Ho ka ba thata haholo ho li khetholla. Empa linaka tsa eona li tsebisa khatiso ea eona, ka linaka tseo. Linaka tsa nku li khilikoe, athe tsa khama ke makala a tsoang. Ntho e 'ngoe, khama e ke ke ea hloa holimō hakaalo, ho fula.

<sup>15</sup> 'Me hape pōli, ha e tsamaea, hape, khatiso ea pōli e teng, le ea nku e teng, u tla tlameha ho tseba phapang ea tsona, ha u le holimō koana, hobane li lula hlorong ea thaba koana. U tlameha ho tseba phapang. Empa ha u ka elelloa, e—pōli ha e tsamaea e a klothometsetha; athe, nku e tsetela maoto a eona fatše *tjena*, ha e tsamaea. Khatiso e teng ka moo e takang mohlala oa eona. U tseba letšolo la hao ka likhatiso tseo e le etsang, le mokhoa oa boitšoaro ba lona, le seo e se fulang, le ntho e 'ngoe le e 'ngoe. E itsebisa ka likhatiso tsa eona. 'Me ha u tsosa e 'ngoe, u shebe se etsahalang, u ka bolela ka moo li tlolahang kateng. U ka bolela ka khatiso ea phoofolo e fapaneng.

<sup>16</sup> Hape na u kile ua elelloa, ha ke tsebe haeba le li fumana mona kapa che, yellowhammers; be, flicker ke lebitso la tsona le nèpahetseng, le nonyana jay. Nonyana jay e batla e lekana le yellowhammer. 'Me ha u sheba bobeli boo ha bo fofa, bobeli e batla e le mofuta oa nonyana e le 'ngoe. Ha u sa bone 'mala, empa u li shebile feela, u ka bolela hore yellowhammer ke efe. Nonyana jay ha e fofa, bonnyane e batla, e a khaioletsa. Empa yellowhammer, e fehla lipheo tsa eona; ha e ntse e fehla lipheo tsa eona, e theohela fatše e ntano nyoloha, tlase e ntano ea holimō. Ua bona, e itlamahanya, ka mokhoa oo, 'me u ka bolela ka khatiso eo hore ke yellowhammer, ka ho rura ha eona.

<sup>17</sup> Ha u ka lemoha e—e koekoe ha e tsoa, mokhoa oo e nyolohang. 'Me hape u ka sheba haeba u le pel'a mohlaka, moo koekoe e ka fumanoang teng, le—le snipe. Löna litsumi le tseba seo. Snipe sa Wilson le eona jacksnipe, li itsebisa ka mokhoa oa ho tsoa ha tsona le ka mokhoa oa ho tsamaea ha tsona. Li itsebisa ka khatiso ea ho rura ha tsona, hore ke nonyana tsa mofuta mong. Ka baka leo, haeba u li utloile feela, u ka bolela hore e ne e le eng, mokhoa oo e tsoang, seo e leng sona, ka khatiso ea ho fofa ha eona.

<sup>18</sup> Joalo ka monna le mosali. Ke batho ba babeli, empa likhatiso tsa mosali li fapane le tsa monna. Ha se khale mona, ha ke bala, ka Salomone le mofumahali. Ha ke e-so rere Molaetsa oa ka o monyenyanne mona, ho löna, ka mofumahali oa Boroa, ea kileng a nyoloha ho bona Salomone, ka ho bona neo eo ea temoho ea moea. Ha se khale mona, ha ke bala ka eona, 'me ba itse, ha thoe, "Se seng sa lilothro tse beiloeng pel'a Salomone, e ne e le hoo, mofumahali enoa o nkile mosali, kapa basali, ke rialo, a ba apesa se sa monna."

<sup>19</sup> Joale, taba eo e ne e se tšoanelo letsatsing leo, empa kajeno ehlile e khema le linako, letsatsing lena. 'Me—'me lea tseba hobane e phoso. Bibele e re mosali ha a tšoanelo ho etsa joalo. "Ke manyala ha mosali a apara seaparo se joaloka sa monna." 'Me e builoe ke Molimo o sa fetoheng, ka baka leo ke 'nete.

<sup>20</sup> Ka hona re fumana Salomone, hang hoba a ba shalime, a ba laela ho tsamaea kapa ho etsa hore ho itseng, 'me hang o re, "Ke basali." Ua bona, a ka e khetholla ka khatiso ea mosali eo, ka boitšoaro ba hae, hore ke mosali 'me e ne e se monna.

<sup>21</sup> 'Me e batla e le ntho efe le efe, ka likhatiso tsa eona. Joaloka ha batho ba bangata ba le leqeple, le ba letsoho le letona. Li teng likhatiso tsa boitšoaro ba bona. U ka bolela haeba a le le letona-kapa e le motho ea leqejana, ka boitšoaro ba bona, khafetsa ka mokhoa oo ba nanabelang ka letsoho le letshali leo kapa letsoho le letona.

'Me le hopole, Jesu o fumane ntho e kang eo, hore . . .

<sup>22</sup> Matsoho a mabeli a batla a . . . A tšoana. Likhatiso tsa menoana ea 'ona e meholo li a tšoana, likhatiso tsa menoana, menoana e mehlano; o monyenyan, monoana o hare, le joalo-joalo. Joaloka letsoho le letona le letsoho le letshali ha a metse menoana e tšoanang, ka tloaelo, boholo bo lekanang ba letsoho, hantle feela. 'Me phapang e leng teng feela, ho 'ona, le leng le letshali athe le leng le letona. Ke phapang e le 'ngoe eo u ka e bolelang. Le leng le letshali, le leng le letona.

<sup>23</sup> Ka hona tabeng eo, Jesu o itse . . . Nka rothetsa ntlhanyana mona. Jesu o boletse, ho Mattheu 24, ho itsue, "Likhatiso tsa Moea li tla batla li tšoana matsatsing a qetello, li tla bapa ho ka thetsa le bona bakhethoa holane e le ntho e ka etsoang." Ua bona, li mpa feela li tla . . .

<sup>24</sup> Ha u nka letsoho la hau u le phahamisa feela. Ua bona, haeba u sa hlokomele, le leng la 'ona le tšoana le le leng, ka mokhoa o mong le o mong, empa le leng la 'ona le letshali 'me le leng le letona.

<sup>25</sup> Le meeal joalo letsatsing la qetello. E batla e tšoana, empa khatiso ea eona e a e tsebahatsa. O mong o lokile, 'me o mong o phoso, 'me o ka tsebjoa ka khatiso ea oona.

<sup>26</sup> Moea oa Molimo o ka pepesoa ka khatiso ea Oona. Ua bona? Moea oa Molimo, le moea oa kereke. Moea oa kereke o teng, le Moea oa Molimo oa mannete o sa tšoaneng le moea oa kereke, ho hang.

Moea oa bolumeli ba kereke ke oo.

<sup>27</sup> Ho na le moea oa bochaba. Ho na le moea oa sechaba. Sechaba se seng le se seng, haeba ke kena, ke kena ka mono, u fumana moea o fapaneng. Ke ne ke etetse Finland, ke batho ba lokileng, empa moea oa Finnish o ne o le teng. Ha ke theohela Germany, ho na le moea oa German.

<sup>28</sup> Ha se khale mona, ha ke tsamaea le mohats'a ka, mohlang oo re sa lula Indiana, lilengoana tse 'maloa tse fetileng, e le koana suphamaketeng e nyenyane. Ke sa tsoa fihla lapeng. Ra tlameha ho fumana lijo tse seng kae. 'Me tseleng ea ka ho ea teng, rōna... E ne e le lehlabula, le ka tšoha le sa e lumele, empa ra fumana leleiti le apereng mose. 'Me ea e-ba taba e hlollang haholo, ka... Ea nkharola letsoalo. Ka—ka re, "Sheba mane, taba eo e a makatsa, mosali eane o apere mose." Ba bang ba ne ba apere liaparo tse neng li sa... tse sa tšoanelang mosali. 'Me —'me a re... Ka re, "Be, e mpa e le moea oa Amerika feela, ua bona, moea oa Amerika."

<sup>29</sup> Joale, moea oa Amerika, ke e... e tšoanetse e be e le sechaba sa Bokreste, empa moea oa sechaba sena ha se oa Bokreste. Mohlomong se bitsoa sechaba sa Bokreste, empa se hole le bona ka limaele tse milione, ho latela khatiso. Ka hona, mosali enoa, ka re...

A re, "Be, ana rōna ha re ma-Amerika?"

<sup>30</sup> Ho re, ka re, "Che. Re phela mona. Ena ke na ha ea rōna. Re—re—re ahile ho eona. Rea e rata. Ke sechaba se khabane ka ho fetisa lefatšeng. Empa, koana, ha re ma-Amerika." Ka re, "Re tsoetsoe Holimō. Moea o Halalelang o a theoha, 'me re litho tsa 'Muso. Ha se oa lefatše lena." Ka re, "Ke ka lebaka leo likhaiseli tsa rōna li aparang mese, ka meriri e melelele, ha ba tsole meikapo. Ua bona, khatiso ea bona e ba pepesa e le 'khalalelo ho Morena,' ho tsoa Holimō."

<sup>31</sup> Ka baka leo, re batla 'Muso. Re batla Khosi e tlang ho tla e amohela baahi ba Eona 'Musong oa Eona. 'Me ba tsebhatsoa ka likhatiso tsa bona—tsa bona, hore matlotlo a bona ha se a lefatše lena kapa a sechaba sena. Ke a holimō, koana Khanyeng. Ka baka leo, bao, "Ba batla Motse oo Moahi le Mohei e leng Molimo." Ba tsebhatsoa ka nèpahalo.

<sup>32</sup> E ka re nka fuoa kolu e lekaneng ho le rerela bosius bo bong. Empa taba eo ke—ke a e fapoha. Joale, ho pepesoa ka likhatiso tsa eona.

<sup>33</sup> Re fumana mohlala o hlabosang mona mehleng ea Iseraele, e fihang lefatšeng la pallo. 'Me Molimo o ba bitsitse ho latèla pallo ea Oona. Taba eo O e boleletse Abrahama, O tla... peo ea hae e tla jaka sechabeng se sele sena, lilemo tse makholo a mane, 'me A ntano mo loela ka letsoho le leholo le matla, mme ba ne ba tla ea lefatšeng, mohlang oo, la tšepiso, le kollang lebese le linotši. 'Me nako ea pallo ha e atametse, ha fihla e—e Faro ea sa kang a hlompha bosebeletsi bo boholo ba Josefa bo mahareng a bona.

<sup>34</sup> 'Me, taba ena, Molimo oa hlahisa moporofeta ea bitsoang Moshe. 'Me monna eo a rutiloë bohlale bohle ba Baegepeta. Ntle le pelaelo e le monna e moholo, ea masene, ea hlalefileng, hoba o ne a ka ruta Baegepeta bohlale. Ea ka ke monna ea loketseng—lokileng bakeng sa toelo.

<sup>35</sup> Empa, ua bona, seo re se bitsang tokoloho, le seo Molimo o se bitsang tokoloho, phapang e itseng e teng.

<sup>36</sup> Joale le shebe monna enoa ka likakanyo tsa hae tsohle. O itsebile a tsoaletsoe ho lokolla bana ba Israele. Koana, ka thuto ea hae eohle, sohle seo a se tsebileng, a itsebile a bitsitsoe ke Molimo ho phethisa mosebetsi, a t̄soere ling tsohle tsa hae... A kokositse Bachulara ea Art, le Ph.D. ea hae, le LL. D., le lintho tse joalo. 'Me a tloha ho loanela Israele, 'me a hla a hloleha ka botlalo.

<sup>37</sup> Joale lemoha, ea ka re, re ka ha a behile leoto la hae teroneng Egepeta, ho beoa Faro, a ka be a khonne ho loanela bana ba Israele hoba a beoe Faro, hobane e ne e tla ba—e tla ba mohlahlami oa terone. Empa, ua bona, taba eo, ka ho e sebetsa joalo, e ka be e sa hlahisa khatiso ea Molimo ka ho lokolla sechaba sa Oona.

<sup>38</sup> O boletse A tla ba lokolla. O tla "ba lokolla ka letsoho le matla," e seng Moshe ka sesole se matla, empa Molimo ka letsoho le matla.

<sup>39</sup> Re khaoletsa moporofeta enoa a balehile a hlotse lilemo tse mashome a mane feelleng. Faro o qetile lilemo tse mashome a mane a mo topela thuto, 'me Molimo o qetile lilemo tse mashome a mane a mo tlhotla eona. Ka hona rea fumana, tsatsi le leng, hore eēna, motšeо ho lehoatata, o kopana le Morena Molimo sehlahleng se tukang, ka sebopaho sa Topallo ea Mollo e leketlileng sehlahleng se tukang. Eaba o kōptjoa ho rōla lieta tsa hae, ha thoe, mobu a emeng ho 'ona o ne o halalela. Joale le shebe sena ka hloko, monna oa thuto, ea rutehileng, eo e bileng eēna, le shebe phetoho ea likhatiso tsa hae hoba a kopane le Molimo. O entse e 'ngoe ea tse fetisang...

<sup>40</sup> Ka linako tse ling Molimo o sebetsa litaba ka mokhoa o bonolo ha kana, le ka bothoto hakana, mohopolong o nahanang ka nama. Lemohang monna ea hlolehileng ka botlalo; a likiloe ke mabotho 'ohle a Egepeta le ntho eohle ho phethisa thato ea Molimo, ka thuto ea hae eohle, lilemong tse mashome a mane, tsa bocha ba hae. Ke enoa, o mashome a robeli a lilemo, hoseng ho hlahlamang, mohatsa'e a kaletse mulete, a hlomme ngoana nokeng ea hae, le ka molamu letsohong la hae, a theohela Egepeta, ho hapa. U bua ka pono e bosaoana! Empa e ne e le ho hlahatsa likhatiso tsa Molimo, hobane A fumane monna ea neng a tla lumela Lentsoe la Oona. Ke phetho. Lebaka la taba ena, le nahanang ka tlhaselo ea monna a le mong ea eang Egepeta, athe, leboho le hlolehileng? Empa e ne e le eng? Khatiso ea hae, maqiti a hae a ne a fetotsoe. O ne a ea ka Lebitso la Morena, "KE 'NA EA LENG TENG." Lebaka la eona, o ile a hapa. O hlile a khona, hobane o ne a e-ea ka Matla a Morena.

<sup>41</sup> Leetong la hae, a ntšetsa Israele lefatšeng la pallo, o khahlane le moena oa hae, moena oa hae oa mokhatlo oa

bolumeli, Moabe. Joale, Moabe, le ho leka, e ne e se bahetene. Bao e ne e le bana ba morali oa Lota. E mong oa bana ba hae o ne a—o ne a hlahisitse Moabe.

<sup>42</sup> Joale, holimō mane, ke batla ha u ka lemoha lichaba tse peli tsena, tse hohlanang. Egepeta e ne e le ena, e le mothoana, e qhalakane, ho se sechaba seo e ka eang ho sona, ho se batlotlehi kapa khosi, kapa letho, kapa batlotlehi bafe har'a bona, e le batho ba leetong la bona le eang lefatšeng la pallo. 'Me ke bana ba tlameha ho haola le lefatše la Moabe. Hantle tseleng ea pallo.

<sup>43</sup> 'Me Moabe, le eëna, e le balumeli ho Jehova, 'me ba e-na le moporofeta. 'Me le Iseraele a e-na le moporofeta. Bobeli ba bona ba e-na le baporofeta.

<sup>44</sup> 'Me joale lemoha, ba fihlile moo moporofeta oa sechaba se hlophiloeng a theohang ho rohaka sechaba se seng sena, hobane e ne e le baphaphathehi feela, ba se na bolulo bofe bo tiileng. Eaba ba theoha.

'Me sheba baporofeta ba babeli bao: Ha re bua ho latèla molaotheo, bobeli ba ne ba nèpile hantle. Hobane, lemoha, Balaame, e leng mobishopo, o mo boleletse, "Joale le nkahèle lialetare li supile."

<sup>45</sup> Supa ke palo ea Molimo e tletseng, e bapisa Mengoaha e Supileng ea Kereke, matsatsi a supileng a pôpô, le joalo. Joale lemoha, supa, Molimo o phethelo ka supa.

<sup>46</sup> "Lialetare tse supileng, 'me holim'a aletare e 'ngoe le e 'ngoe ha rapalatsoa e—e pohoana." Joale ba ne ba hahile lialetare tsona tseo le liahelong tsa Iseraele. Ke bao tlase koana ha Iseraele, ba hlomme aletare e tšoanang le ea bana holimō mona; le sehlabelo se le seng, pholoana le pholoana; moporofeta le moporofeta. Lichaba tse peli, tse leanang.

<sup>47</sup> Papiso e tletseng hantle ea letsatsi leo re phelang ho lona, hola re ka fumana nako ho kena ho eona. Lemohang, Molimo o e sebetsang ka papiso, re tle re fumane, ka setšoantšo.

<sup>48</sup> Joale, hape, Balaame a hlokile pheleu aletereng e 'ngoe le e 'ngoe. Taba e lekanyang tumelo ea hae ho Messia ea tlang ho tla. Pheleu, nku e tona, e le sona sehlabelo seo ba se hlophisang tlase ha Iseraele; tlase liahelong tsa Iseraele, holimō mona pel'a—ha Moabe. Eona . . . Ho latèla motheo, bobeli ba ne ba nèpile, empa, lemohang, ho latèla molaotheo oa thuto.

<sup>49</sup> Empa moporofeta e mong tlase liahelong tsa Iseraele o ne a fupile likhatiso tsa Molimo le Lentsoe la Molimo. O ne a tiiselitse pallo ea Molimo ea mongoaha oo, hobane a ne a kene leetong a habile lefatše la pallo. Ua bona?

<sup>50</sup> Joale, ho latèla karolo ea motheo, Balaame, Balake o ne a ka tsebahatsoa joaloka Moshe.

<sup>51</sup> Empa, ua bona, Moshe, e leng moporofeta oa Molimo ka nèpahalo, a sa tšoara likarolo tsa molaotheo feela, empa a tšoere

boitsebiso ba Molimo. Ua bona, o ne a kene tseleng ea kutlo, ho latèla pallo ea mongoaha oo ka tšoanelo; e seng ea mongoaha oa Nohe, empa ea mongoaha oa mohlang oo. "Ke tla le isa lefatšeng le kollang lebese le linotši." Ba le leetong la bona, 'me Iseraele a iponahatsa le moporofeta oa bona, Moshe, ka Molaetsa oa mongoaha oo. Likhatiso tsa Molimo li ne li iponahatsa ho Moshe. Topallo ea Mollo e mo latètse. A boetse a bolokile pheko ka khato; a sa bue ka eona, empa a e bolokile ka khato. E seng se tlang ho tla; se leng teng hona joale!

<sup>52</sup> Lemohang, a hlomme nōha ea borase e fehetsoeng maloets e le mafu a batho, ka hona Moshe o ne a hlakisa pholiso ea Khalalelo. A tšoere pheko, nōha ea borase e bapisang Molimo o leng liahelong, 'me batho ba ne ba talima nōha eo ea borase 'me ba fola.

<sup>53</sup> A boetse a latetsoe ke Lefika le teiloeng. 'Me hoo ho tsebahatsa Molimo, ho baballa Metsi a Bophelo har'a bona, thabo le poloko, hore ba se ke ba timela ba mpa ba tla fumana Bophelo ba ka mehla. E ne e le papiso ea... Lefika le teiloeng leo feeleng e ne e le papiso ea Kreste ea otliloeng.

<sup>54</sup> Hape, ba ne ba hoanta tseleng ea tšepiso. Boo e ne e le boitsebiso bo bong, ho supa tlapiso ea Molimo. Ho sa tsoetelehe ka moo e mong enoa a lutseng motheong ho ea ka Lentsoe; o ne a bolokile molaotheo, kopanya le boitsebiso, le khatiso ea Molimo har'a bona. Molimo o ile oa Itsebisa. Baporofeta ba babeli, bobeli e le baporofeta, 'me bobeli ba lutse motheong; empa Molimo oa tsebahatsa likhatiso tsa Oona ho Moshe, hobane likhatiso tsa Molimo li ne li lutse ho eèna.

<sup>55</sup> Joale, hape, ka mehla likhatiso tsa Molimo li ka holim'a tlholeho, hobane O ka holim'a tlholeho. Molimo o ka holim'a tlholeho. Ha e a tloaeleha, ka mehla, mohopolong oa temalo ea letsatsi. Le tseba seo. Ka mehla esale Molimo o ferekanya koloi ea liapole, nq'a-nq'a lihlopha tsa borapeli mongoaheng o mong le o mong o kileng oa feta.

<sup>56</sup> 'Me ha ho mohla motho kapa sehlopha sa batho se kileng sa ithlophisa holim'a molaetsa ha e se se shoeleng 'me sa robatsoa bobolokelong 'me ha se a boela se tsohile. Ha ho nalane. Ma-Luthere, ma-Prebeteriene, ba-Methodise, ma-Baptise, Mapentekosta, le ba joalo, ha ba hhole ba tsohile, mohla ba tlohang ba Le hlophisa sehlopha.

Molimo o sebetsa le batho ka bomong.

<sup>57</sup> Lemohang, ha A tloaeleha ho latela monahano. Ua bona, re khelohela temalong, 'me re tlamehile ho Le lumela ka tsela *ena*. 'Me ebe Molimo o khutla ka Lentsoe la Oona leo O le tšepisitseng, le ho Itsebahatsa Lentsoeng leo. Sehlopha *sena* ha se khone ho ea ho Lona, hobane ha se lumele ho Lona. Ua bona, se se se ikhaotse ho Lona.

<sup>58</sup> Joaloka Josefa, e ne e le mora oa Davida, 'me e le monna ea lokileng, Josefa mohats'a Maria. E ne e le monna ea lokileng, 'me ntle le pelaelo a balile Bibebe, libuka tse mennoeng, a sa khaotse, hobane . . . 'me o ne a emetse Messia ea tlang ho fihla, 'me o tlamehile a be a tsebile seo Lengolo le boletseng se tla hlaha. Esaia o boletse, "Moroetsana o tla emola."

<sup>59</sup> Be, joale, o ne a nkane le ngoanana e nocha enoa, Maria, a ka ba lilemo tse leshome le metso e robeli, 'me eèna a batla a holile ho feta moo. 'Me mohla ba neng ba beeletsane ho chata, o ipontša e le moimana. Joale Josefa a batla a thatafalloa ho e emela. Ntle le pelaelo Maria o mo phetetse tsa ketelo ea Gabariele. Empa re lemoha, ka moo khatiso ea hae e mo tsamaisitseng kateng, o e belaetse.

<sup>60</sup> Joale o pitliloe e le moimana le pele ba chata. 'Me, ka har'a Bibebe, kotlo eo ke lefu, ka ho tlepetsoa ka majoe. Mosali ea sa chatang ea pitloang e le moimna, o ne a tlameha ho tlepetsoa. Bootsoa bo ne bo sa fumanoe Israeleng. Bo ne bo falatsoa. Ka hona rea fumana, ho Deuteronomia, e re bolella eona.

<sup>61</sup> Joale re fumana, Maria, ea ka re o batlile ho sebelisa Josefa ho sireletsa boitšaro ba hae bo itseng. Hobane, haeba a pitluoe e le moimana le pele ba nyalana, o tšoanelo ho tlepetsoa ka majoe, 'me joale o tlameha ho fumana motho ho mo sireletsa. 'Me ea ka, ntho eohle, ea bonahala e le seo a lekileng ho se etsa.

<sup>62</sup> Empa e ne e re ha Josefa a sheba har'a mahlohalo a matle ao a hae, o ne a re, "Josefa, Gabriele o mpoleletse, 'Moea o Halalelang o tla u khurumetsa, 'me ntho ena È tlang ho emoloa ke uena—ke uena ke sa Moea o Halalelang. Ke Molimo. Ke sona se tlang ho bitsoa, "Mora oa Molimo."'" 'Me, Josefa, a—a—a batlile ho e lumela, empa feela e sa tloaeleha. Taba e neng e-so hlahe pele.

<sup>63</sup> 'Me le kajeno ho itšoanelo hantle. Hola feela re ka khona . . . Hola nka khona ka mokhoa o itseng ho bontša batho ho se tloaelehe ha ntho efe, haeba e bonahatsoa ke Lentsoe, likhatiso tsa eona li paka seo e leng sona. Ke motsamao oa Molimo.

<sup>64</sup> Josefa o tlamehile a be a tsebile taba ena. O tlamehile a be a tsebile, "Moroetsana o tla emola." Empa o ne a tsepahetse ka eona. A sa batle ho mo lahla, sephiring, empa o ne a—a hopotse joalo.

<sup>65</sup> 'Me Lengeloi la Morena le ipontšitse eèna ka toro. Na u kile ua ipotsa lebaka la ho hlaha ha Hae ka toro? Baporofeta ba ne ba le sieo matsatsing ao. Litoro tsa bona li ne li le bonolo haholo, e sa hloke ho toloko. Ha thoe, "Josefa, uena mora oa Davida, se tšabe ho inkela Maria mosali oa hau, hobane se emotsoeng ka ho eèna ke sa Moea o Halalelang." Ua bona, ka hona, ha lula ho le joalo. Ua bona, O tlile ho eèna ka toro, bobeling. Empa, u a bona, moporofeta ea tsebisang Lentsoe leo o ne a le sieo, ha thoe, "Enoa ke eèna moroetsana ea tlang ho emola." Ua bona?

Ka hona, ka baka leo, O hlahile ho eèna ka toro, hobane o ne a tsepahetse 'me a e-na le 'nete e le monna ea lokileng.

<sup>66</sup> 'Me ke lumela Molimo o tla etela monna ofe ea lokileng, ka tšobotsi e itseng, le ho tsebisa monna ea lokileng eo liketso tsa Oona, tsa mongoaha oo, haeba monna eo a bitsitsoe ke Molimo mongoaheng oo.

<sup>67</sup> Joale, empa haholo e sa tloaeleha, ba batlile ba sa e tšoare. Empa, ka mehla, ponahalo e latèla Lentsoe la pallo ea mongoaha oo, ho se tloaelehe hona hohle.

Joale batho ba teng ba ka tlohang ba likoloha, 'me ho thoe, "Be, taba *ena* ha e a tloaeleha, eo ke Molimo. Taba *ena* ha e a tloaeleha."

<sup>68</sup> Empa, ua bona, e tlameha ho tsebahatsoa ke Lentsoe, 'me Lentsoe ke Molimo. Ua bona? 'Me khatiso ea boitsebiso bona e tsebisa hore na enoa ke mang, hoba Molimo o boletse, "taba *ena* e tla hlaha," 'me e a hlaha. Ua bona? Khatiso ea eona ke Lentsoe la Molimo le tsebisoang ka khatiso ea se etsahalang.

<sup>69</sup> O boletse matsatsing a qetello A tla tšela Moea o Halalelang. O entse hoo. Khatiso ea eona e a tsebisa hore e ne e le Molimo, Lentsoe la Oona la pallo. Ua bona, ka mehla e a itsebisa.

<sup>70</sup> Joale, ka mehla, nako le nako, ho otlolla lentsoe, haeba Lentsoe le builoe ka phoso. Na le kile la eelloora? E ne e le matsatsing a Nohe, moo le otlolotseng mongoaha oo oa mahlale, ha thoe Molimo o tla theola metsi maholimöng. Ke Moshe, ua bona, ea e otlolotseng mohla bohole ba thakhalatseng tlase Egepeta, le joalo, empa Lentsoe la Molimo le ne le tlamehe ho tla le ho tsebahatsoa. 'Me 'Nete ea Lentsoe e otlolla phoso.

<sup>71</sup> E reng ke le botse taba. Mona re ka teba nakoana. Ha kea tšoanela ho rera thuto kapa hona ho ruta, empa e reng ke le botse ntho e le 'ngoe feela.

<sup>72</sup> Jesu e ne e le Lentsoe. Re tseba seo. Bibele e boletse joalo. Santa Johanne, khaolo ea 1, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a röna." E sa ntse e le Lentsoe. Joale mohla A khonneng ho lemoha mehopolo ea bona, ba tlamehile ba be ba e tsebile e le Lentsoe, hobane Lentsoe la Molimo le boletse e le sona seo A tlang ho se etsa. E ne e le Moporofeta.

<sup>73</sup> Joale lemohang, rea fumana mohla A neng a tsoaloa, mohla lilemo tse batlileng ho ba leshome le metso e 'meli, O ile a nyolohela moketeng oa tabernakele. 'Me ba ne ba etsetse Paseka. 'Me, ha ba khutla, ba tsamaea leeto la matsatsi a mararō ba sa Mo fumana; ba hopola, ba nahana, ke rialo, ba Mo hopotse a le har'a batho ba habo bona.

<sup>74</sup> Mono re ka rala thuto ea röna. Haholo ho tšoana le kajeno! Joale lôna Methodise, Baptise, Presbeteriene, Lutherane,

Katolike, sohle seo le leng sona, ua bona, le ntse le etsa hona hoo. Le ntse le lekanya ka hobane Wesley a kile a tšoara tsoseletso e khōlō, Luther a kile a tšoara tsoseletso e khōlō, kapa Pentekosta e kile ea tšoara tsoseletso e khōlō, le ntse le hopola hobane O har'a batho, athe, ka linako tse ling ha A eo mono.

<sup>75</sup> Ba tlohile ho ea Mo batla. Ba Mo fumane kae? Moo ba Mo siileng teng, koana Jerusalema. 'Me ha ba Mo fumane, O ne etsa'ng? Moshanyana e monyenyan, oa lilemo tse leshome le metso e 'meli, mohlolong a e-so kene sekolo haese seo 'mè oa Hae a Mo rutileng sona; 'me mona A le ka har'a tempele, a tsekisana le baptista bao, ka Lentsoe la Molimo. 'Me ba ne ba holloa ke bohlale ba Ngoana enoa. Hobaneng? E ne e le Lentsoe. Joale sheba.

<sup>76</sup> 'Me joale ha se ho le hlompholla lōna batho ba Katolike ba bitsang Maria 'm'a Molimo, empa ntumelleng mona ho le supisa phosoana e itseng. Efèla ha kereke e hahiloe holim'a Maria, shebang se hlahileng. Joale o nyolohile 'me o itse, "Oh, 'na le ntate oa Hao re U batlile, ka makhapa." Elang polelo eo hloko, eaba o nyatsa bopaki ba hae ka sebele. O itse, "'Na le ntate oa Hao re U batlile, ka makhapa."

<sup>77</sup> Shebang Lentsoe leo. E ne e le Lentsoe. O itse, "Ana ha le tsebe hoba Ke loketse ho lula mosebetsing oa Ntate oa Ka na?" Shebang Lentsoe leo ha le otlollla phoso. Hantle pontseng ea baptista bao, o silafalitse bopaki ba hae. O ipoletse a emolisitsoe ke Moea o Halalelang, 'me mona o tlaleha Josefa e le "ntate" oa Hae. Ana le bona Lentsoe leo ha le e qhautsa ka potlako ea ruri? E ne e le Lentsoe. Joale, le tseba moshanyana oa lilemo tse leshome le metso e 'meli a ke ke a etsa joalo. E ne e le Lentsoe. E ne e le Lentsoe le builoeng la mongoaha oo, ka baka leo khatiso ea boitsebiso ba Molimo e ne e ahile ka ho Kreste. O otlolotse liphoso. O itse . . .

Ba itse, "Khele, rōna re barutuo ba Moshe." Ua bona?

<sup>78</sup> O itse, "Holan le barutuo ba Moshe, le ka be le tseba le 'Na. O ngolile ka 'Na. Moshe o itse, 'Morena Molimo oa lōna o tla le hlahisetsa Moporofeta ea joalo ka 'Na.' Le ka be le tsebile le 'Na holane le tsebile Moshe."

<sup>79</sup> 'Me, ua bona, ka mehla Lentsoe le otlollla phoso ea letsatsi. Empa batho ha ba batle ho e lumela. Ba tiisetra feela, ka ho tšoana.

<sup>80</sup> Empa Jesu o otlolotse 'mè oa Hae ka sebele. 'Me 'mè oa Hae o ne a fositse, ka ha a se a tlalehile ngoana eo a emotsoe ka ho eèna ke Moea o Halalelang, athe mona o hlanoheba bopaki ba hae o tlaleha Josefa e ne e le "ntate" oa hae, e ne e le ntate oa—oa Jesu. Joale haeba—haeba Josefa . . .

<sup>81</sup> Efèla haeba E ne e le mora oa Josefa, holane A ne a le mosebetsing oa ntate oa Hae, A ka be a theohetse levenkeleng la 'metli.

<sup>82</sup> Empa O ne a kene mosebetsing oa Ntate oa Hae, holimō mane Tempeleng, ho khalema mekhatlo eo. Ua bona? O ne a le mosebetsing oa Ntate oa Hae, Mothaka oa lilemo tse leshome le metso e 'meli feela. "Ana ha le tsebe Ke tlameha ho ba mosebetsing oa Ntate oa Ka?"

<sup>83</sup> Na le lemohile Jesu mohla a lekoang ke Satane? Khatiso ea Hae mono, mohla A keneng molekong oa Hae, e Mo tsebahahalitse E le Molimo, hobane O ile a lula Lentsoeng. Ua bona? "Ho ngoliloe ho thoe," Satane o itsalo.

Jesu o itse, "Ho boetse ho ngoliloe ho thoe," ho lula le Lentsoe hantle.

<sup>84</sup> "Molimo, mehleng ea khale," rea bala mona. "Molimo, mehleng ea khale," ke nakong ea boholoholo, "ka mekhoa e mengata," litsela tse fapaneng, "o Itsebisitse baporofeta ba Oona ka lipono." Eo e ne e le khatiso ea moporofeta, ke mohla a nohang lintho 'me e etsahala. Joale e ne e le khatiso ea ha ea boitsebiso ba hae, e reng Molimo o no o lutse ho eèna. Hoo ho mo neile litokelo tsa ho toloka Lentsoe la letsatsi leo, hobane, "Lentsoe la Molimo le tlela baporofeta," khatiso ea moporofeta eo A 'moletseng e sa le pele.

<sup>85</sup> Bibele e boletse, "E mong ha a le teng, 'me seo a se bolelang se hlaha, le mo utloe; empa, haeba e se joalo, le se lumele ho eèna, le se mo tšabe, empa a Ka... haeba—haeba Mantsoe a Ka a sa lula ho eèna. Empa haeba e hlaha, e tla ba Lentsoe la Ka le ho eèna." Ke boitsebiso ba hae boo. Ke khatiso ea moporofeta eo.

<sup>86</sup> Joale, Molimo, mehleng ea boholo, O bontšitse likhatiso tsa boitsebiso ba Sebele sa Hae joalo ho motho, ka ho bua ka monna ea bileyitsoeng ho ba moporofeta. Joale, Bibele e a bua, "Molimo, mehleng ea boholo, ka mekhoa e mengata, o buile le bontate ka baporofeta."

<sup>87</sup> Re boetse re bala, koana ho Petrose oa Bobeli, ha thoe Lentsoe lohle le ngotsoe ke bona. "Monna oa boholo, ea bululetsoeng ke Moea o Halalelang, o ngotse Bibele." E ne e le baporofeta. Lentsoe le tlie ho bona 'me ba Le ngotse, ho le ngola fatše, tlas'a pululelo. Pele e ne e le baporofeta ba tsebahalitsoeng, eaba ba—ba ngola Lentsoe la pululelo, 'me ba tšoere botoloki ba tšenolo e halalelang hobane e ne e le Molimo ka ho monna.

<sup>88</sup> Joale O Ipontšitse joalo ka likhatiso tsa Hae tsa boitsebiso, lipono tsa bona ha li nètefatsoa, e ne e le khatiso ea Molimo ka ho bona, A itsebisa batho.

<sup>89</sup> Joale, O ne a ahlide ka mokhoa oo feela ka ho Kreste. Moporofeta ke thojana feela. Kreste e ne e le botlalo ba Molimo. 'Me Molimo o no o le ka ho Kreste, ho busetsa lefatše ho Oona. 'Me likhatiso tsa Oona li Mo tsebahalitse, seo A neng a le sona, O bile a re, "E ka re ha Ke sa etse mesebetsi ea Ntate oa Ka, le se ke la E lumela. E ka re ha semelo sa Ntate oa Ka, le se ke la lumela

ho 'Na, le se ke la lumela maipolelo a Ka. Haeba semelo sa Ntate oa Ka se sa aha ho 'Na, le se ke la e lumela, ho hang."

<sup>90</sup> Joale, likhatiso tsa Hae ha li fetoh le ka mohla. Molimo o ke ke oa fetola semelo sa Oona, le joalo ka—joalo ka e—e konyana e ka fetolang khatiso ea eona, kapa ntho efe e ka fetolang likhatiso tsa eona. Hobane, ha feela e ituletse ka tšimoloho ea eona, ke ea tšimoloho. 'Me ha u fetola ntho efe, e tla ba u fetotse tšimoloho ea eona.

<sup>91</sup> Ho tšoana le ho tšoara e—e hoki, 'me hoki u ka e hlatsoa 'me —'me oa e taka linala tsa maoto, ua e tšoantsisa le basali, ua e hlophisa ka ho e taka molomo, 'me oa e apesa mose o motle. Ako lokolle motsoetse eo oa khale oa hoki, o khutlela seretseng hantle, le ho boela se pitika. Hobaneng? Ke hoki, ke phetho. Empa, 'me, empa, ua tseba, u ke ke ua etsa ho re . . .

<sup>92</sup> Konyana e ke ke ea etsa joalo. E ke ke ea ema seretseng seo. Ha e batle ho amana le sona ka letho. Tseo ke likhatiso tsa eona. Ua bona? U ka e apesa liaparo tse tšoanang, empa ruri e ke ke ea etsa joalo, e ke ea ea teng. Bokantle ha bo etse lebaka; ke bokahare. Joale, Molimo ke mohloli oa bophelo bohle . . .

<sup>93</sup> U se ke ua hboleha ho tšoara taba ena. Ke ntse ke leka, ka sohle se ahileng ka ho 'na, ho le bontša taba e 'ngoe. Ua bona? E etselitsoe molemo oa lōna, metsoalle. E etselitsoe thu—thuso ea hao. Ua bona?

<sup>94</sup> Mona ha kea tlela ho bonoa feela. Ha kea tla koano, hoba ho se moo nka eang teng. Ke tlie koano hoba ke ikutloile ho tla koano. Ke utoile tšebetso eo Morena a mphileng eona e tšoanelia ho bonahatsoa har'a batho mona, 'me ke ntse ke leka ho le thusa ho bona seo Molimo o leng sona ruri joale. Ke Lentsoe la Hae la pallo. Ke Lentsoe ka mehla, 'me O Itsebisa ka khatiso eo A e tšepisitseng. Semelo se ikhethang se tla hlaha nakong e ikhethang, taba eo e fumanoa Lentsoeng, e be moo khatiso ea motho enoa ea tlamehang ho hlaha e tsebahatsang hore ke eëna motho enoa.

<sup>95</sup> Ke ka baka leo Jesu a neng a tlameha ho ba seo A neng A le sona. Ba tlamehile ba be ba e bone. Ha ho makatse ba ne ba foufetse. Ntho . . . Ha thoe, le ha A entse mehlolo e mengata hakaale, ba sitiloe ho lumela, hobane Esaia o boletse, "Ba na le mahlo 'me ha ba bone, le litsebe 'me ha ba utloe." Ua bona? Mongoaha o mong le o mong, e seng mongoaha oa Hae feela; empa mongoaha o mong le o mong, ka moo, "Molimo, mehleng ea boholoholo, kamekhoa e fapanenng," le joale ha ba khona ho e tšoara feela.

<sup>96</sup> Joale, likhatiso tsa Hae ha li hboleha le ka mohla. Lia tšoana ka mehla. Joale, hopolang, khatiso ea Hae, khatiso ea Molimo, e ke ke ea hboleha. Haeba e etsa joalo, e tla ba Molimo o hbolehile. 'Me Bibele e boletse, ho Baheberu 13:8, ho thoe, "Jesu Kreste e ne e le eëna maobane, ke eëna kajeno, le ka mehla." Ka baka leo,

Ke Molimo o sa fetoheng. Khatiso efe ea Hae tšimolohong, E sa ntse e le khatiso eo. Mokhoa ofe oo A sebelitseng ka oona, ntho nako efe eo A e entseng ntho efe, O e sebetsa ka ho tšoana nako le nako. Haeba A sa etse hoo, khatiso ea Hae fetohile, ua bona, 'me likhatiso tsa Hae li ka pepesa ntho e 'ngoe eo e neng e se ea Molimo. Ua bona? Ka hona re ne re sa tl'o tseba moo . . .

<sup>97</sup> Joalo ka ha Pauluse a boletse, "E ka re ha terompeta e hlahisa molumo o sa khethoeng, ea ka tsebang ho itokisetsa ntoa ke mang, terompeta ha e hlahisa molumo o sa khethoeng?" Joale terompeta ha e tlameha ho utloahatsa "checha," re tlameha ho etsa hona hoo, ho checha. Ha terompeta e utloahatsa "khoroha," re tlameha ho etsa hona hoo, ke ho khoroha. Empa e be terompeta ke'ng? Ke Lentsoe la Molimo. Le tsebisa Molimo, haeba e le—haeba e le "nyoloha, lula fatše, checha, qhobela lihlomo," e ka bang eng. Ke molumo oa terompeta ea Molimo.

<sup>98</sup> 'Me molumo o sa khethoeng, Bibebe ha e bolela ntho e itseng e loketseng ho hlaha; motho o re, "Oh, e tsoa letsatsing le leng, taba eo." Mono e tla ba ho utloahetse molumo o sa khethoeng. Ha u tsebe seo u ka se etsang.

<sup>99</sup> Jesu o boletse, "Ke na le matla a ho bea bophelo ba Ka fatše le ho boela ke bo tsosa." Ha ho molumo o sa khethoeng mono.

<sup>100</sup> Mosali o itse, "Rea tseba Messia o a tla; 'me mohla A tlileng, O tla re bolella lintho ka moo A kileng a etsa pele."

<sup>101</sup> A re, "Ke Eèna." Ha ho molumo o sa khethoeng mono. "Ke Eèna." Uh-huh! Amen.

Ba itse, "Bontata rōna ba jele manna felleng."

<sup>102</sup> O itse, "Bao, e mong le e mong oa bona, o shoele." O itse, "Empa 'Na Ke Bohobe ba Bophelo bo tsoang ho Molimo Leholimōng." Ha ho molumo oa letho o sa khethoeng mono. 'Na "Ke Sefate sa Bophelo, ho tloha tšimong ea Edene." Che, ha ho molumo o sa khethoeng ka eona. Ruri ha ho joalo. Ha ho letho le sa khethoeng ka eona. O ne a kholisehile ho sohle seo A se entseng.

<sup>103</sup> Bibebe ha e utloahatse molumo o sa khethoeng. Molumo oa eona o tsebahatsa likhatiso tsa Molimo.

<sup>104</sup> Jesus o boletse, ho Santa Johanne 10:37, "Ekare ha Ke sa etse mesebetsi ea Ntate oa Ka, eng . . . 'me semelo seo sa Ntate oa Ka se sa aha ho 'Na, le se ke la lumela ho 'Na. Ke eona, E tsebisa semelo sa Hae ka ho 'Na, likhatiso tsa Hae."

<sup>105</sup> Hobane, Ntate ke Lentsoe, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo," 'me khatiso ea Molimo e bonahatsoa ke tsepiso ea Hae ea mongoaha oo.

<sup>106</sup> Joale holane A phetse nakong ea Moshe, e ka be e sa sebetsa. Le holane Moshe a phetse nakong ea Hae, e ka be e sa sebetsa. Holane A phetse nakong ea Nohe, e ka be e sa sebetsa, kapa

holane Nohe a phetse nakong ea Hae. Nohe o ne a porofeta ka lintho tsa letsatsi leo, 'me khatiso ea hae le seo a se entseng se mo tsebahalitse le Lentsoe la Molimo. Moshe o entse hona hoo.

<sup>107</sup> 'Me Jesu ke enoa a fihla, 'me Lentsoe le neng le baletsoe mongoaha oo le tsebahalitsoe ka ho Jesu Kreste ka khatiso ea Lentsoe, e leng Molimo. Amen.

<sup>108</sup> Ho tšolloa ha Moea o Halalelang, matsatsing a ho qetela, holim'a batho ba tlase, ho tsebahalitse khatiso ea Molimo 'moho le batho. O e tšepisitse. Ke Lentsoe. O boletse A tla e etsa. Ha ho motho ea ka e khutlisang. O boletse A tla e etsa.

<sup>109</sup> Ka baka leo lintho tsena tsohle tseo A li tšepisitseng, ke seo A se etsang. E tsebahatsa khatiso ea Hae. E, monghali. "Le se ke la e lumela, le se ke la lumela maipolelo a ka, haeba likhatiso tsa Ka e se tseo tsa Molimo."

<sup>110</sup> Joale lemohang ho Johanne 14:12, "Ea lumelang ho 'Na," O itse, "o na le boitsebiso ba Ka, khatiso ea Ka. Ea lumelang ho 'Na, mesebetsi eo Ke e etsang o tla e etsa le eèna." Hoo ho tsebahatsa hobane semelo sa Kreste se ahile ka ho eèna, se pepesa likhatiso tsa Hae. Amen.

<sup>111</sup> Ke ikutloa ke hlile ke halalela, haeba ke chele lentsoe. E, monghali. Oh, banna! Ua bona, ha ho phoso ka Eona! Bophelo ba Hae! "Ea lumelang ho 'Na, mesebetsi eo Ke e etsang le eèna o tla e etsa." Ua bona, hoo ho bonahatsa khatiso.

<sup>112</sup> O buile eona taba eo: "Efèla ha semelo sa Ka se sa Ntsebahatse," Molimo ka ho—ka ho Eèna, e tla ba Eèna... se lumeleng ho Eèna. Joale, O boetse O boletse a tla tsebahatsoa tabeng eo. Hape, ho re, haeba e sa tsebahatse Eèna, O tla be a se seo A ipolelang sona.

<sup>113</sup> 'Me, kajeno, haeba Kreste a sa Itsebise, khatiso ea Kreste e re tsebahatsa re le ba Kreste, ho lumela Lentsoe... Jesu e ne e le Lentsoe, ka hona O ne a tlamehile ho lumela Lentsoe. 'Me re ka ipolela re le ba Kreste joang, athe re latola Lentsoe la Bibele eo? Moea o Halalelang oa Kreste ke Molimo ka ho uena, 'me O tla thasisetsa tšepiso e 'ngoe le e 'ngoe ka "Amen." Bibele e boletse, "Lipontšo tsena li tla tsamaea le ba lumelang." Moea oa Molimo o itse, "Amen." Ua bona?

<sup>114</sup> E mong oa bona ha a re, "Che, taba eo e ne e baletsoe mongoaha o mong; e ne e etselitsoe barutuoa feela."

<sup>115</sup> "E-eang ka lefatše lohle le boelle 'mopua e mong le e mong Evangeli. Eo, hohle lefatšeng lohle, ea lumelang, mehlolo ena e tla tsamaea le eèna, ntho e tšoanang." "Eèna maobane, kajeno, le ka mehla," khatiso e a tsebahatsoa.

<sup>116</sup> Hoo ho phethisa Baheberu 1:1, "Molimo mehleng ea boholoholo, o bua le bontate ka baporofeta," ho tsebahatsa Kreste, ea tsositsoeng kajeno, ka eona khatiso eo A e entseng

mehleng ea boholo. Na le lemohile? Molimo ha o fetole mokhoa oa Hae le ka mohla.

<sup>117</sup> Ka har'a Bibele ea khale, e ne re ha molori a lora toro, koana ho se moporofeta naheng ho bona haeba toro ena e lokile kapa che, ba ne ba ralile tsela ea ho fumana. Ba nka motho eo, e ka bang mang ea lorileng toro, ho mo theolela tempeleng. Sehlako sa Aarone sa sefuba, e beng e le moprista e moholo, se fehoa holim'a thupa. 'Me molori enoa o phetha toro ena. Ho sa tsotelle ka moo e utloahalang e hlabosa, e utloahala ha monate ha kae; haeba Leseli le ka holim'a tlholeho le sa tšoelime holim'a majoe ao, e bitsoang Urime Thummime, (babali ba Bibele ba utloisisa); hape, ha ke tsotelle ka moo e utloahalang e nèpile, e ne e se joalo. Ho se tloaelehe ha Molimo, semelo sa Molimo, se ne se tlameha ho pepesa likhatiso tsa Hae ka mohlolo o holim'a tlholeho, ho bontša hobane O Itsebahatsa holim'a molaetsa. Amen.

<sup>118</sup> Ke bolela hona hoo bosiung bona. Urime Thummime ea khale e tlositsoe, empa Lentsoe e sa ntse e le ntho e tsebisang khatiso ea Molimo, tšepiso ea hora eo re phelang ho eona. Mono likhatiso tsa Molimo li tsebahatsoa ke tšepiso ea hora eo re phelang ho eona.

<sup>119</sup> Hoo ho fetola Molimo se tšoanang le seo A neng a le sona. "Mehleng ea boholoholo," shebang, "ka mekhoa e fapaneng, O buile le bontate ka baporofeta." "'Me molao le baporofeta li tiile ho fihlela Johanne; ho qala mohlang oo, ke 'Muso oa Leholidō.'" Lemohang, "Empa letsatsing lena la ho qetela," ho bua seo A se entse mohlang oo, "ka Mora oa Oona Kreste Jesu." "Molimo, mehleng ea boholoholo, ka mekhoa e mengata, o buile le bontate ka baporofeta; letsatsing lena la ho qetela," ho etsoa hona hoo, "ho bua le batho (bontate) ka Mora oa Oona Kreste Jesu." Ho Mo tsosa bafung, 'me O phela ka ho rōna, ho Itsebahatsa le ho re bolella lintho tse tlang ho tla, hore Ke mosenoli oa mehopolo le oa merero ea pelō. Jesu Kreste maobane, kajeno, le ka mehla! "Molimo, o buile mehleng ea boholo le ka litsela tse fapaneng le bontate ka baporofeta, empa matsatsing ana a qetello ka Jesu Kreste Mora oa Oona." Lengolo le ke ke la lubakanngaoa ka letho. Le lutse le le joalo hantle.

<sup>120</sup> Joalo ka ha ke boletse pele, Molimo ha o hloke mang ho toloka Lentsoe lena. O toloka Lentsoe la Oona ka Seqo sa Hae. Mohla A buang ntho efe, e a hlaha, ke bona botoloki boo. Ua bona? Ha O hloke mang ho re, "Be, ke lumela e bolela sena." Molimo o e tsebahatsa ka botoloki ba Oona ka Seqo, sa Oona.

<sup>121</sup> Ke, haeba tšepiso e etselitsoe letsatsi leo, re ke ke ra phela ka leseli la—la—la Luther, re ke ke ra phela ka leseli la Wesley, re ke ke ra phela ka leseli la bafe bao, re tlameha ho phela ka Leseli le baletsoeng letsatsi lena.

<sup>122</sup> Holane Moshe a theohela Egepeta, a re, "Be, re tla haha areka e khōlō. Re tlil'o sesisa re tsoa naheng ena. Nile e tla

kokomoha”? Ba ne ba tla sheba morao lengolong le phuthiloeng; ha ho pallo ea taba eo. Ke hantle. Empa, ua bona, o itsebahalitse e le moporofeta oa Molimo, ka ha seo a se buileng se hlahile, eaba ba mo tseba a tšoere Lentsoe la Morena. Faro o ne a tšoere marumo, empa Moshe a tšoere Lentsoe. Eitse ha ba fihla leoatleng, marumo ’ohle a teba tlas’ a leoatle; ’me Moshe o tšelisitse Iseraele leoatle, mobung o omileng, hoba a ne a tšoere Lentsoe, ’me e ne e le Lentsoe la hora eo. Moshe e ne e le Lentsoe le bonahalitsoeng la hora eo.

Elia e ne e le Lentsoe le bonahalitsoeng la hora eo.

<sup>123</sup> Kreste ke Lentsoe le bonahetseng, le litšepiso tseo A li entseng. “Ho se ho kae ’me lefatše ha le sa tla Mpona; ha e le lōna le tla Mpona, hoba Ke tla ba le lōna, le ka ho lōna, ho isa bofelong ba lefatše. Mesebetsi eo Ke e etsang le tla e etsa le lōna.” O tšepisitse linthro tsena. Ke eng? Ke khatiso ea Molimo e pepesang Lentsoe la Oona, joalo ka ha A entse mengoaheng eohle.

<sup>124</sup> Malakia 4, O itse, “Pele ho letsatsi le leholo le le tšabehang la Morena le tlang, bonang, Ke tla le romela moporofeta Elia; ’me o tla busetsa tumelo ea bana ho bontate, pele letsatsi leo le fihla.” O e tšepisitse.

<sup>125</sup> Jesu o buile, khaolong ea 17 ea Santa Luka, “Joalo ka matsatsing a Sodoma, ho tla ba joalo ho tleng ha Mora motho, mohla Mora motho a senoloang.” Mohla tšenolo e phuthulloang ka bo-eona, matsatsing ao lefatše le tlang ho tšoana le Sodoma, ho tla ba joang? Khatiso ea Lengolo leo e a phethahatsoa. Molimo o Itsebahatsa ka khatiso ea Oona, likhatiso tsa Oona tsa ka mehla. A ke ke a tlohela hoo.

<sup>126</sup> Matsatsing a bofelo, O tsebahalitse ka Mora oa Oona. Lemohang ka moo Molimo o etsang tsena ka mehla mono ho—ka moo A kam.... Ha A fetole tsela ea Hae le ka mohla.

<sup>127</sup> Monna ba le ba bararō ba qoqileng le Abrahama, ka moo re buileng feela mono, matsatsing a Sodoma.

<sup>128</sup> Abrahama e ne e le monna ea lumelang Molimo. O nkile Molimo tšepisong ea Oona. Sara, mohats’ae, a le mashome a tšeletseng a metso e mehlano, Abrahama a le mashome a supileng a metso e mehlano, mohla Molimo o ’mitsang. Oa ’molella hobane ba tla fuoa e—e ngoana; Abrahama a tla fumana ngoana ka Sara. E ka batla e utloahala e le bosaoana, empa kea kholoa eaba o itholla e—e libutšunyana le mamao, le ntho e ’ngoe le e ’ngoe, ho lokisa, hobane ba tla fumana lesea lena.

<sup>129</sup> Ka morao ho matsatsi a mashome a mabeli a metso e robeli, khele, Abrahama e ka ba o itse Sara, “U ikutloa joang, lerato la me?”

“Ha ho phapang.”

“Khanya ho Molimo, re tla le fumana, le ha ho le joalo.”

“U tseba joang?”

“Molimo o boletse joalo.”

Selemo sa feta. “U ikutloa joang, moratuo?”

“Ha ho phapang.”

“Re tla le fumana, le ha ho le joalo. Molimo o boletse joalo.”

Lilemo tse hlano tsa feta. “U ikutloa joang joale, moratuo?”

“Ha ho phapang.”

“Re tla le fumana, le ha ho le joalo. Molimo o boletse joalo.”

<sup>130</sup> E ne e le eng? O ne a tšoere tšepiso ea Molimo. O lumetse Molimo, ’me a itšoara joaloka Molimo: a itšoarella ka Lentsoe la pallo. Eona . . .

<sup>131</sup> Lilemo tse mashome a mabeli a metso e mehlano tsa feta. Libutšu li se li sehlefetse, empa a ’na a li boloka. Joale o tsofetse, o khutlahane, ’me o maemong a nyarosang; ’me popelo ea Sara e batla e ichoeletse, ’me eèna o omme. ’Me ha se le maemo a bona ao!

<sup>132</sup> “U ikutloa joang, Abrahama, ntat’ a lichaba?” metsoalle ea hae ea baiphei-tumelo ea rialo ho eèna.

<sup>133</sup> “Be, khanya ho Molimo, ke monate. Re tlil’o fumana lesea leo, le ha ho le joalo.” Hobane ha a ka sisinyeha pallong ea Molimo ka ho hloka tumelo; empa a ipha matla, a ntse a rorisa Molimo, hobane a khola ruri hoba seo Molimo o se boletseng, Molimo o khona ho se phethisa. Amen. Ke eona khatiso ea molumeli eo.

<sup>134</sup> Ho ka thoeng ka uena? Ua bona? Ho ka thoeng ka rōna, bana ba Abrahama? Na re tsebahatsoa le Lentsoe la Molimo, joalo ka tšepiso, ’me khatiso ea rōna e a re tsebahatsa, hore re hlile rea E lumela? Kapa, na u lesisitheho feela, ho qhoma ho tsoa mona, le holimō mona, le tlase mona, le ho ipotsa, le ka lesisitheho u likoloha, ka Eona? Ha ho le joalo, ha re Bakreste, re mpa re lekisa tumelo feela.

<sup>135</sup> Empa, ha re hlile re tiisetsa tšepiso eo, re itlamella ho Eona mono le ho lula le Eona! Abrahama o entse joalo.

<sup>136</sup> Joale re a fumana, tsatsi le leng o bone ho tla monna ba le bararō, ba tsamaea. Bibebe e boletse mona, “Motšeħare ha letsatsi le chesa,” e tlamehile e bile har’ a mpa ea motšeħare. Monna bona ba nyoloha ba ntse ba qoqa le eèna. Re utloisia ba babeli ba bona ba theohetse Sodoma. Kea lumela re buile ka eona bosiung bo bong. E mong oa bona a sala le eèna.

<sup>137</sup> Shebang Monna enoa eo a ’mitsitseng . . . ea setseng le eèna, seo Monna a se entseng. E Mong o bonahetse ka khatiso ea Hae, ’me E ne e le Elohim.

<sup>138</sup> Elohim, lona lentsoe la pele ka har’ a Bibebe, “Tšimolohong Molimo . . .” Joale, mang oa lōna baithuti le tseba lentsoe Molimo mono le bolela, ka Seheberu, ke “Elohim,” e bolelang, “ea Matlaohle, ra-bokhoni bohole, ea leng teng ka bo-eèna,”

ha a hloke thuso ea mang, ha a hloke toloko ea mang; O Iketsetsa eona. Ke Molimo ra-bokhoni bohle, motlalahohle, motsebatsohle, ea matlaohle. Ke Molimo.

<sup>139</sup> E ne e le Eo. 'Me Abrahama joale, mopatriareka enoa ea neng a tiiselitse Lentsoe, o ile a shalima Thaka lena. 'Me ea re Thaka lena le sa neile tente mokokotlo oa Lona, O itse, "Mosali oa hau o kae, Sara?"

Ha thoe, "O ka tenteng, ka mora Hau."

<sup>140</sup> Ha thoe, "Ke tla u etela ka nako ea bophelo, 'me u tla fumana lesea lena leo Ke u tsepisitseng lona."

<sup>141</sup> 'Me Sara a tšeha taba ena. 'Me Ea neng a buisana le eèna, o 'moleletse seo Sara a se buileng ka tenteng, ka mora Hae.

<sup>142</sup> Joale, ho Genese, le tla bala taba eo. Rea fumana ke hona, Abrahama, ka mora hoba Monna enoa a Itsebise . . .

<sup>143</sup> E ne e le eng? Baheberu, khaolo ea 4, temana ea 12, ho itsoe, "Lentsoe la Molimo le bohale, le matla ho feta sabole e leolitsoeng ka nq'a tse peli, ke mosenoli oa mehopolo le merero ea pelō."

<sup>144</sup> O mo tsebile e ne e le Monna eo. O tsebile ho se baporofeta naheng ha e se eèna, 'me ka baka leo Lentsoe la Morena le ne le ttile ho eèna. 'Me e ne e le moporofeta, 'me mona Lentsoe le tlela moporofeta.

<sup>145</sup> Ho etsahetse joalo le ka Johanne Mokolobetsi. Ba ne ba hlokile moporofeta lilemo tse makholo a mane. Ke sa hopola . . .

<sup>146</sup> Koana e ka ba motsofe Ngaka Davis o lutse mona, bosiung bona, moreri oa khale ea nkolobeleltseng Tumelong oa Missionary Baptist. O ne a mphehis a khang. O itse, "Billy, u sa le mootloana feela joale. U tlameha ho ntšekehetsa tsebe."

Ka re, "Ho lokile, Moena Davis, ke mametse."

<sup>147</sup> A re, "Ua bona, Johanne o ne a e-so kolobetsoe. Ka hona a ntse a kolobetsa, empa a e-so kolobetsoe; ho se motho ea nang le tokelo ea ho mo kolobetsa." Eo ke thutabomolimo e iphotlileng ea Baptise. "'Me Jesu ke enoa a fihla, le ho re ka hona . . . Johanne o itse, 'Ke hloka ho kolobetsoa ke Uena; U tlela'ng ho 'na?' 'Me O itse, 'Lumella ho be joalo.'" A re, "'Me eitse ha a Mo 'lumella,'" ho re, "ua bona, eaba Jesu o kolobetsa Johanne. 'Me A tsoa metsing, eaba maholimō a phetloa 'me A bona Molimo ka sebopeho sa leeba, le theohang le luma holim'a Hae, ha thoe, 'Enoa ke Mora oa Ka ea ratoang, Eo Ke khahlisoang ho lula ho eèna.'" Empa, che, ha se ho hanetsa Ngaka Davis, empa o ne a fositse.

<sup>148</sup> Ua bona, Johanne e ne e le moporofeta, 'me ka mehla Lentsoe le tlela moporofeta. Ka hona haeba Lentsoe le ne le entsoe nama, Le ne le loketse ho tlela moporofeta, le hona; hoba, o ne a paka tsa Lentsoe, 'me eona khatiso ea hae e mo tsebahalitse e le seo. Lentsoe ke lena le e tla, joale ho etsahetse'ng? Hang ha a kena ka

pel'a sefahleho sa Jesu, Johanne o itse, "Ke hloka ho kolobetsoa ke Uena; U tlela'ng ho 'na?"

<sup>149</sup> Jesu o itse, "Lumella ho be joalo, hobane re loketse joalo (re tlamehile) ho pheta ho lokelang hohle." Johanne ka ho ba moporofeta; Eèna e leng Lentsoe. E ne e le Sehlabelo, 'me O ne a itokisetsa ho kenela bosebeletsi ba Hae ba lefatšeng, 'me Sehlabelo se ne se lokela ho hlatsuo pele se hlahisoa. 'Me Johanne o Mo kolobelitse, hobane o tsebile. "Lumella joalo, hobane e ka khona re phete ho lokelang hohle." Sehlabelo se ne se lokela ho hlatsuo pele se hlahisoa, 'me Johanne o Mo kolobelitse. E ne e se Jesu ea kolobetsang Johanne. Johanne o kolobelitse Jesu. "Lumella ho be joalo."

<sup>150</sup> Lemohang, Abrahama e ne e le enoa, 'me a tšoere Lentsoe la Morena. Lentsoe la Morena le tlide ho eèna. E ne e le moporofeta. 'Me Lentsoe ke lena le e tla. O Mo bitsitse, "Abraham," e seng *Abram*.

<sup>151</sup> Matsatsi a 'maloa pele ho moo, lebitso la hae e ne e le Abram—e ne e le Abram, joale ke Abraham. Mohats'ae e ne e le Sari, joale ke "Sarah," e seng S-a-r-r-a; S-a-r-a-h. E seng (A-b-r-a-h-a-m) A-b-r-a-m, empa A-b-r-a-h-a-m, Abraham.

<sup>152</sup> 'Me Monna enoa o Itsebahalitse, ha A itse, "Abraham!" Oh, banna!

Abraham o itse, "Elohim!"

<sup>153</sup> Ke leo Lentsoe le moporofeta, 'moho, ho pepesoa limelo tse peli tseo.

<sup>154</sup> Elohim, O itse, "O kae mohats'ao, Sarah?"

<sup>155</sup> Ha thoe, "O ka tenteng, ka mora Hau." 'Me eaba... Eaba ho etsoa mohlolo. Elohim! Abrahama o Mo bitsitse, "ra-bokhoni bohole, Ea Matlaohle, Molimo ramatla."

<sup>156</sup> Jesu o boletse, mohla A neng a le holim'a lefatše, O entse seo Elohim a se entseng. Hoo ho tsebahalitse khatiso ea Hae e le Molimo.

<sup>157</sup> 'Me O boletse, pele, "Matsatsing a bofelo, hantle mohla Mora motho a fihlang, mohla A ntseng a senoloa, malulo ana a tla boela a ipheta, joalo ka ha ho etsahetse Sodoma." Elohim har'a batho ba Hae, Molimo o Matlaohle! Ke seo Lengolo le se buang. Elohim har'a batho!

<sup>158</sup> E Se e le lilemo tse mashome a mane A ntse a re kolobetsa ka Moea o Halalelang, Elohim, Molimo! 'Me kereke...

<sup>159</sup> Shebang, Abrahama o bone pontšo e le 'ngoe, pitso e 'ngoe; pontšo, pitso; pitso, pontšo; a ntse a shebeletse mora eo oa tšepiso. Empa pontšo ea ho qetela eo a e boneng, ponahatso ea ho qetela, ketelo ea Molimo ea ho qetela pele mora oa tšepiso a fihla temeng, e ne e le Elohim ka nama ea motho. Eaba mora oa pallo o a fihla.

<sup>160</sup> 'Me Peō ea Abrahama e emetse Mora oa tsepiso, Jesu Kreste. 'Me ba bone lipontšo, tšollo ea Moea o Halalelang, ho bua ka lipuo, pholiso ea Khalalelo, le joalo-joalo. Empa mohla Mora motho a neng a senoloa, Elohim o tla khutlela ho Peō ea Abrahama ea boreneng le ho bontša seo A se bontšitseng letsatsing leo, amen, Elohim, joalo ka mohlang oo! Hobaneng? E tla be e le khatiso ea Molimo.

<sup>161</sup> Joale, haeba Kreste e ne e le Molimo, "Ho se ho se ho kae 'me lefatše ha le sa tla Mpona; empa lōna le tla Mpona, hoba Ke tla ba le lōna, le ka ho lōna, ho isa bofelong, qetellong. Mesebetsi eo Ke e etsang le tla e etsa le lōna."

<sup>162</sup> Jesu o boletse ho—ho Luka, khaolo ea 17. Ho lokile, ha re lumela 'me re bona matsatsi ana a ho qetela, malumo ana a tla etsoa hape.

<sup>163</sup> Ka baka leo, Baheberu 1:1, "Molimo, mehleng boholo O itsebisitse ka baporofeta, matsatsing a qetello o tsebahalitse tsoho ea Mora oa Hae bafung," ka ho nea Kereke eona khatiso e tšoanang le eo A kileng a e hatisa, ho phethahatsa Baheberu 13:8 hantle haholo.

<sup>164</sup> Ha ho masiba a ka hlo thoang mono. Ao ke masiba a ntsu. A tsetetsoe ka thata, hobane ke nonyana ea sebaka. [Sekheo lebanteng—Mohl.] . . . ba ba fepa lijo tsa ntsu.

<sup>165</sup> Joale re eleloa taba eo, "Mehleng ea boholoholo, mekhoa e mengata, O buile le bontate ka baporofeta, matsatsing a bofelo ka Mora oa Oona Jesu Kreste, ka ho Mo tsosa hape bafung." 'Me Ke enoa har'a rōna, ka morao ho lilemo tse likete tse peli, Jesu ea tšoanang, ha se e mong oa baporofeta; Jesu, alleluia, Mora oa Molimo ea tsohileng!

<sup>166</sup> Jesu o boletse, tsatsi le leng, O itse, "Moloko o khopo le o mofebi o batla mohlolo, 'me ba tla fuoa mohlolo." Moloko o khopo le o mofebi. Ke neng lefatše le kileng la eketsa bokhopo, kapa bofebi le khopamiso, ho feta hona joale?

<sup>167</sup> "Joalo ka mehleng ea Jonase, joalo ka Jonase ha a hlotse matsatsi a mararō le masiu mpeng ea leruarua, Mora motho le eēna e ka khona a hhole matsatsi a mararō le masiu pelōng ea lefatše."

<sup>168</sup> Ha ho le joalo, "moloko o khopo le o mofebi" o ne o tla fuoa pontšo. Pontšo ea mofuta ofe? Pontšo ea tsoho. 'Me kajeno re e fumane, ka morao ho lilemo tse likete li peli, O sa ntse a phela. O har'a rōna, bosius bona, eēna maobane, kajeno, le ka mehla, ho Itsebisa ka likhatiso tsa Molimo, ho bonahatsa Lentsoe letsatsing lena leo A tsepisitseng ho e etsa. Amen.

<sup>169</sup> Lentsoe ke leo. Joale na u tla lumela pontšo, ke ntho e latēlang, matsatsing a qetello, boitsebiso ba Hae ka Mora oa Hae? Lemohang.

<sup>170</sup> Molimo o buile le Moshe mehleng ea boholoholo. Ho Deutronoma 18:15, ho itsoe, "Morena Molimo oa lōna o tla le hlahisetsa Moporofeta ea joalo ka 'na." Joale shebang. Leo ke Lentsoe. Leo ke Lentsoe. E ne e le Molimo. E ne e se Moshe. Moshe o ne a ka e tseba; athe e ne e le motho? Empa Molimo, o buang ka Moshe, o boletse sena. Na le lumela seo? Ho lokile.

<sup>171</sup> Joale lemohang Jesu, le shebe ka moo likhatiso tsa Hae—tsa Hae li tsebahalitseng Lentsoe lena la pallo le lokile. Ruri e entsoe joalo. O tsebahalitsoe ka khatiso ena eo Moshe a boletseng A tla ba eona.

<sup>172</sup> Bongata ba bona, joalo le kajeno, ba batla ho bona moetapele ea itseng e moholo. "Oh, enoa ke Ngaka Ph. *Sekete-kete*. O tsoa Hartford University. Kapa, o tsoa nthohaling e itseng ea tonana nq'a e 'ngoe ka tsela eo." Boo ha se boitsebiso ba Molimo ka letho. Che, che. Ha ho letho le mabapi le eona. Lentsoe ke lona le tsebahatsang Molimo. Ua bona?

<sup>173</sup> Jesu e ne e se moithuti oa sekolo, hape E ne e se moprista, hape E ne e se rabbi, lefatšeng. E ne e le lerabele, lefatšeng.

<sup>174</sup> Empa Molimo o no o thasisetsa Lentsoe la Oona ka Eèna, taba e Mo entseng Emmanuel. Boo e ne e le boitsebiso ba Hae. Joale, mona, Jesu o phethisa hantle sena seo Molimo mehleng ea boholoholo o Mo tlalehileng ho tla se etsa, ka Moshe, seo A neng a tla se etsa.

<sup>175</sup> Joale le shebe mohla A kopanang le Petrose, joalo ka ha re e bapisitse bosiu bo bong, mohla A neng a kopana le Petrose le ho bolella Petrose lebitso na lebitso la hae e ne e le lefe. Pontšo ena e tsebahalitse maipolelo a Hae bo-Messia, ho Petrose, hoba Lentsoe le ne le boletse, "Morena Molimo oa lōna o tla hlahisa Moporofeta."

<sup>176</sup> 'Me Petrose a nyoloha, mohlang oo e le Simone, ho nyolohela moo A neng a le teng. 'Me Jesu a mo shalima, ho re, "Lebitso la hau u Simone, 'me u mora oa Jonase." Hoo ho tsebisitse semelo sa Kreste e le lona Lentsoe leo Moshe a le tsepisitseng. Petrose o eleletsoe pontšo hore pontšo eo e tsebahalitse Jesu joalo ka 'Messia. "Molimo o no o le ka ho Kreste," tlolo ea matsatsi a getelo. Ho Nathanaele... Hopolang, O boleletse Simone lebitso la hae.

<sup>177</sup> Joale, sheba, ho Nathanaele O boletse seo a neng a se entse. "Ke u bone u le tlas'a sefate." Hoo ho Mo tsebahalitse e le Messia.

<sup>178</sup> Ho re, "U Mora Molimo. U Khosi ea Iseraele." O tsebahalitsoe ka khatiso ea Lentsoe la pallo ho re e ne E tla ba Messia. "Morena Molimo oa lōna o tla hlahisa Moporofeta."

<sup>179</sup> Mosajana selibeng, O 'moleletse seo a neng a le sona, 'me hoo ho Mo tsebahalitse e le Messia enoa ea tsepisitsoeng. Ua bona?

<sup>180</sup> Semelo sa Hae, likhatiso tsa Hae, e ne e le Lentsoe le tsebahatsoang. E ne e le likhatiso tsa Hae tse bontšang hore

Lentsoe e ne e le Molimo, ka hona e ne e le Molimo o tsebahatsoang ka ho Kreste. Joale e shebe. E tšoaee.

<sup>181</sup> Ho Petrose, O tsebisitsoe Petrose ka ho bitsa lebitso la hae. O tsebisitsoe Nathanaele ka ho 'molella seo a se entseng. O tsebisitsoe mosali, ka ho bolela seo a neng a le sona. Seo a... hore e ne e le mang; seo a se entseng; le seo a neng a le sona. O tsebahalitse khatiso ea Hae ea bo-Messia e neng e tla ba khatiso ea bo-Messia.

<sup>182</sup> Shebang mosajana ea buang eona taba e tšoanang. "Monghali, kea U lemoha u moporofeta. Re hlokile moporofeta ka lilemo tse makholo-kholo. Re bile le kereke e ngata, likhang tse ngata le phapang ea malumeli a hlophisitsoeng, empa re hlokile moporofeta makholo-kholo a lilemo. Rea tseba Messia mohla a tlileng, sena ke sona se tlang ho Mo tšebehatsa."

<sup>183</sup> A re, "Ke Eèna, ea buang le uena." Ha ho letho le sa tsitsang ka eona, "Ke Eèna." Hoo ho Mo tsebahalitse.

<sup>184</sup> Mosali oa phallo ea mali, o Mo tsebile e le Lentsoe. Joang? Ka seo A se entseng mohla tumelo ea hae e Mo amang. Eaba O a retoloha 'me o itse, "Ke mang ea Nkamileng?" O tsebile hore ntho e etsahetse. Hoo ho tsebahalitse Jesu e le Messia.

<sup>185</sup> O e lumetse, 'me o boletse, "Haeba nka ama seaparo sa Hae, ke tla phelisoa."

<sup>186</sup> Hang hoba a ame, A retoloha, ho re, "Joale Ke amiloe ke mang?" 'Me bohole ba e latotse. Empa khatiso ea Hae ea bo-Messia...

<sup>187</sup> Amen! Kea tšepa le bona seo, lōna phutheho. Mamelang, re sa koala.

<sup>188</sup> Teng o Mo amile. Mono ho ne le makholo, mohlomong, a lekang ho Mo ama. Esita le Petrose o Mo khalemetsé, ha thoe, "Be, bohole bao ba U ama."

<sup>189</sup> A re, "E, empa e mong o Nkamile ka ho fapano." Ke eona ntho e fapaneng, kamo eo ea tumelo. Ua bona? Ho re, "Motho o Nkamile. E ne e le kamo e fapaneng. Ke ile ka fokola. Matla a tsoile ho 'Na. Molemo o tsoile ho 'Na." Joale, ke eo moo A emeng.

<sup>190</sup> Joale, esitile le morutuoa oa Hae ka Sebele a ntse a re, ka mantsoe a mang, "U utloahala—utloahala sa motho ea itseng oa setlokotsebe. Khele, batho, mang le mang o ntse a U ama."

<sup>191</sup> Le shebang ba Hae, le shebe boitsebiso ba Hae joale. A retoloha, ho sheba har'a letšoelle. A mo qoholla hantle. Ha a ka a khona ho ipata halelele. O 'moleletse ka maemo a hae, le ho re, "Tumelo ea hae e mo phelisitse."

<sup>192</sup> O tsebile, ka sena, ho re, Baheberu 4:12, "Lentsoe le senola mehopolo, le merero ea eona ea pelō." Khatiso ea Hae e Mo tsebahalitse e le "Lentsoe la Molimo le entsoeng nama 'me la aha har'a rōna." Amen.

<sup>193</sup> Kea kholoa eona ntho eo bosiung bona e a Mo tsebahatsa, Jesu Kreste ea tsohileng o phela har'a rōna bosiung bona, eèna maobane, kajeno, le ka mehla. Joale, joalo ka ha Baheberu 13:8 e nèpile, semelo sa Hae se tla Mo tsebahatsa kajeno, joalo ka ha se entse mohlang oo, ka ho tšoana.

<sup>194</sup> Le shebe Kleopa le bao, ka morao ho tsoho. Jesu o Itsebahalitse ka moo A ngoathileng bohobe boo, O e sebelitse ka moo A e sebelitseng pele A thakhisoa. 'Me bao...Hoo ho tsebahalitse khatiso ea Hae, hoba A e sebelitse joalo.

<sup>195</sup> Joale hola A le teng mona bosiung bona, O be a tla Itsebahatsa joang? Joalo ka ha A entse maobane, hoba E sa le eèna kajeno, joalo le ka mehla. Ke bona boitsebiso. Baheberu 4, 'ne-...14 le 15, "Hona joale Ke..." Ho thoe, "Ke Moprista oa rōna e Moholo ea ka angoang ke maikutlo a mahlomola a rōna." Ke Moprista oa rōna e Moholo hona joale. Ka morao ho tsoho ea Hae, ka morao ho lefu la Hae, ka morao ho kepelo ea Hae, ka morao ho tsoho ea Hae, ka morao ho nyolohelo ea Hae, amen, E sa ntse le eèna maobane, kajeno, le ka mehla, Moprista e Moholo ea ka angoang ke maikutlo a mahlomola a rōna. Amen. O joalo, hona joale, ho monna e mong le e mong le mosali mona ea tlhang ho e lumela. Ke Moprista oa rōna e Moholo, eèna maobane, kajeno, le ka mehla.

<sup>196</sup> O phela ka mehla. Na le lumela seo? [Phuthetho e re, "Amen."—Mohl.] Likhatiso tsa Hae ha li khaotse ho Mo tsebahatsa A ntse a tšoana le mohla A neng a phela mona holim'a lefatše. O sa ntse a phela mona, bosiung bona, ka sebopheho sa Moea o Halalelang. O phela ka mehla. 'Me likhatiso tsa Hae li Mo sala morao, joalo ka ha li entse le mehla, haeba A sa phela.

<sup>197</sup> Ke leboha haholo, bosiung bona, ho re, "Molimo, mehleng ea boholoholo le ka mekhao e mengata o buile le bontate ka baporofeta, matsatsing ana a qetelo ka Mora oa Oona Jesu Kreste."

<sup>198</sup> Banna, ha kea tseba ke buile halelele hakaalo. Ke lebetse hore ho joalo. Ke masoabi. Ke tla mpe...Ke tla khaotsa.

Ha re rapeleng.

<sup>199</sup> Ntata ea Maholimōng, Molimo o moholo oa mehauhelo! Morena, ke—ke...mohlomong ke bua haholo. Kea rapela, Molimo, hore haeba ke entse joalo, U tla ntšoarela. Empa, Morena, nke ke ka kōpa tsoarelo ka seo ke se buileng. Ke buile feela seo U se buileng Lentsoeng la Hau mona.

<sup>200</sup> Joale lentsoe feela kapa a mabeli a tsoang ho Uena, Morena, mohlomong e mong le e mong ea leng mona o tla e bona bosiung bona. Bathoana, ba kulang ba tla folisoa ha ba U bona esale Uena Moprista oa rōna e Moholo. Kea rapela, Morena, metsotsong e 'maloa ena e latelang, hore U tle u boele u phelise Molaetsa 'ona bonneteng hape. Nq'a seo ke se buileng ka Lentsoe, khatiso ea Hau e U tsebahatse har'a rōna, bosiung bona, hore esale Uena

maobane, kajeno, le ka mehla, hoba ke ka Lebitso la Jesu re e kōpang. Amen.

<sup>201</sup> Nakoana feela joale. Rōna, ke—ke batla ke siiloe ke nako, empa na le ka mamella hakaalo ho tšoara molanyana oa thapelo oa metsotso e leshome le metso e mehlano, e mashome a mabeli? Haeba u rata, phahamisa letsoho la hau, ho re, “Re . . .” Ho lokile, kea lebohla—kea leboha. Ke tsepisitse ho le ntša ka mashome a mararō ka morao ho robong. Nako eo e otlide joale; ke metsotso e mashome a mabeli pele. Ka baka leo ha le ka nkhethela metsotso e ka bang leshome feela, ke tla potlaka ruri.

<sup>202</sup> Ha re boneng, ba ntšitse litlankana life tsa thapelo kajeno? [Moena e mong o re, “O.”—Mohl.] O? Eng, re qalile kae bosiu bo bong, ’ngoe, ’ngoe? [“Kea kholoa e ne e le ’ngoe.”] Yaa, uh-huh.

<sup>203</sup> ’Me ka hona rōna, maobane bosiu, re mpa feela . . . Moea o Halalelang . . . Ke ne ke mametse kajeno, le ho pheta se boletsoeng. Mabitso a mang a se-Fora, ke ne ke . . . Moea o Halalelang; nka khona joalo feela, ka ho ema feela le ho sheba.

<sup>204</sup> Ua bona, ka linako tse ling ha u bona pono, e tlameha ho hlanoloa le ho tolokoa. E a tolokoa. Pono, joalo ka ha u ka—u ka bona e—e nku, hoo ho ka bolela boea. Ua bona, u tlameha ho fumana koahollo ea eona hape, ua bona, le ho fetola pono eo le ho e toloka.

<sup>205</sup> ’Me ke lemohile maobane bosiu, ha ke—ke a khona ho qapolisa mabitso ao a se-Fora, ka tlameha ho a peleta.

<sup>206</sup> Koana Afrika le har’ a Bakhothu bao le bahetene, le lintho, O tla tlameha ho peleta lebitso la bona hantle, ho ba bolella ho re e ne e le bo-mang, ho le peleta hantle ka puo ea bona. Bao, ba tla tseba hore ke eng, hang ha u le peleta. Empa, ua bona, empa O tseba lipuo tsohle. Ke Molimo Mohlolehi.

<sup>207</sup> Ha re qaleng bosiung bona ho, ha re re, mashome a supileng a metso e mehlano, ho isa ho lekholo, ho O. Ke O, na ebe o itsalo? Ke . . . [Moena e mong o re, “E. O.”—Mohl.] O, O. Yaa. Ho lokile. Ke mang ea tšoereng setlankana sa thapelo sa mashosupa-hlano, ha re se boneng? Ho O, setlankana sa thapelo sa O, mashosupa-hlano, phahamisa letsoho la hao, e ka bang mang. Bo O. Ho lokile. Fetela *mona* hantle. Mashosupa-hlano, mashome a robeli, mashorobelihlano, mashome a robong, mashorobong-hlano, lekholo, tloo le *mona* ka kōpo. Ho lokile, ke ho re, le fole mola hantle mona, ka potlako ruri, hoba re ke ke ra ba le nako. Ke tla le tsepela ho e phethisa.

<sup>208</sup> Sheba setlankana sa hao sa thapelo. Sheba setlankana sa moahisane oa sa thapelo. Ke eng . . . ’Me haeba motho a holofetse, le ba nyollele moleng oa thapelo. Haeba ba tšoere O, ntho e kang O feela, mashosupa- . . .

<sup>209</sup> Mashosupa-hlano ho fihla ho lekholo, theang mola hantle ka *mona*, ka kōpo. Hohle moo le leng teng, liotloaneng, le kae hape,

theohang hantle, 'me le kene moleng oa thapelo ka potlako, ka kōpo hleng, ho boloka nako.

<sup>210</sup> Joale lōna ba bang bohole mona, le sa tšoarang setlankana sa thapelo, na u ka phahamisa letsaho la hao le ho re, "Ha ke na setlankana sa thapelo, Moena Branham, empa kea lumela"? Phahamisang matsoho a lōna.

<sup>211</sup> Joale le hopole, ke tlil'o bua le lōna ka Moprista e Moholo. "Ke Eèna Moprista e Moholo ea kaangoang ke maikutlo a mahlomola a rōna." Ke *Jehova-Jire*, "sehlabelo sa Morena se hlahisitsoeng." Ke *Jehova-Rapha*, "Morena o folisa maloetse a lōna kaofela." Na le lumela seo? [Phutheho e re, "Amen."—Mohl.] Ke *Jehova-Manasse*. Ke *leghaama, thebe, khotso* ea rōna, E sa le eèna le joale. Be, ba ba kae ba lumelang hobane mabitso ao 'ohle a Jehova a topollo a ne a lebitsoe ho Jesu? ["Amen."] Ehlide, O ne a tlamehile joalo. Haeba A—haeba A...Khele, a ke ke a arohana, ka hona O ne a tlamehile ho ba 'ona kaofela. 'Me haeba E sa ntse e le *Jehova-Jire*, Ke *Jehova-Rapha*. Haeba E le *Jehova-Jire*...Ke *Jehova-Jire*, ke "sehlabelo sa Morena se hlahiseltsoeng poloko," e bile Ke *Jehova-Rapha* eo "ea folisang maloetsoe a rōna kaofela." Amen. Pholiso e ka tlisoa ke Molimo a inotši.

<sup>212</sup> Ho lokile, e re batho ba sa ntse ba thea mola; ha ke na nako ea ho bona hore ke bo mang le seo ba leng sona. Empa joale, bohole ka ntle mono ba tsebang ke sa tsebe letho ka lōna, phahamisa letsaho la hao, ho re, "Ke hloka Molimo. Empa ha u ntsebe, Moena Branham, empa ke hloka Molimo. Ke tla phahamisa letsaho la ka feela."

<sup>213</sup> Joale haeba le ka thola metsots e 'maloa feela, ho sheba, ho ela hloko, ho khutsa. Joale ha ke rialo, ha ke re, "ho thola,"... Haeba Morena a etsa taba efe, u batla ho rorisa Morena; hoo ke ho rapela. Empa seo ke se bolelang, "ho mathaka hohle, ho ema," ua tseba, ke ho hloka tšabo hoo. Ua bona? 'Me Moea o Halalelang o hlile o boi, o hlile o boi. Ua bona? Ntho efe feela e kang eo, o ntlohela feela, 'me ke tlameha ho loana ke hona, hape, ua bona. Empa holane le ka mamela!

<sup>214</sup> Na le sa hopola tšepiso ea Hae ea pele? "Etsa hore batho ba u lumele, 'me u tšepahale, ha ho letho le tla ema pel'a thapelo." Na le sa hopola taba eo? [Phutheho e re, "Amen."—Mohl.] Ke hantle. 'Me hoo ke... Ha ke e-so e bone e hloleha le ka mohla, 'me e ke ke ea holeha. Ke Molimo.

<sup>215</sup> Joale re tla potlaka ka mola oa thapelo, re tle re finyelle bongata boo re ka bo khonang, ka baka la batho. Empa lōna ba tšoereng litlankana tsa thapelo 'me le sa bitsoa bosiusing bona, tšoara setlankana sa hao, re tla fihla ho uena. Ke hantle.

<sup>216</sup> Joale lōna ka ntle mono ba sa tšoarang setlankana sa thapelo, le hopole. Kapa, lōna ba ka ntle mono, e bang le tšoere litlankana tsa thapelo kapa che, le lumele ho Eèna a le joalo ka Baheberu

khaolo ea 4 mona. “Ke Moprista e Moholo ea ka angoang ke maikutlo a mahlomola a rōna.” Ho bona haeba A ituletse joalo . . . Ho bona haeba Jehova a Itakile har’ a batho ba Hae, joalo ka ha A entse matsatsing a Sodoma. Ho lokile.

<sup>217</sup> Ho lokile, monghali. Joale ha re rapeleng, joale, le apare hlompho e tiileng. Joale hopolang, lentsoe le tsoang ho Molimo le fetisa seo mang a ka se buang. Joale, monna enoa mona, ha ke—ke mo tsebe. ’Me ke khloa feela u . . . U molata ho ’na, na u eèna, monghali? [Moena o re, “E.”—Mohl.] U molata. Re tseba ntho e le ’ngoe, bobeli re tlameha ho ema ka pel’ a Sefahleho sa Molimo tsatsi le leng; joalo ka motho, re tlameha ho kōpana Mono. Lena ke khetlo la pele re kōpana.

<sup>218</sup> Joale ha u fihla mona, ha u kula, teng ha ke tsebe; e ka ba ntho e ’ngoe, ua bona. Empa haeba ke—haeba ke u behile matsoho, ho re, “Ho bokoe Morena! Tloha, u phele.” Hoo ho itoketse. U ka lumela taba eo. Empa ho ka thoeng ha A ka u bolella se phoso ka uena? Joale, ua bona, hoo ho fapane, joale ua tseba hoo ho tsebahatsa khatiso ea Hae. Ua bona, e tla be e se khatiso ea ka. Ke monna, nke ke ka tseba letho ka eèna. Ke mpa ke ’moleletse, “Ha ke u tsebe.” Ha a ntsebe. Empa hoo ho tla etsa’ng? Hoo ho tla bonahatsa khatiso ea Jesu Kreste eèna maobane, kajeno, le ka mehla. Ho tseba e ke ke ea e-ba ’na, e ke ke ea e-ba ’na, hoba ha ke tsebe monna eo. Ke tla phahamisa letsoho la ka; Lentsoe ke *lena*. Ua bona? Ha ke mo tsebe. Ha a ntsebe. Empa khatiso ea Jesu Kreste . . .

<sup>219</sup> Holane Jesu a eme mona, mme eena a kula, holane a ka re, “Morena Jesu, mpholise.” Jesu a ka reng ho eèna? “Ke se ke entse hoo.” Na e lokile? [Phutheho e re, “Amen.”—Mohl.]

<sup>220</sup> “Athe O hlabetsoe makhopo a rōna; re folisitsoe ka metopa ea Hae.” Topollo eohle eo re ka e ruang le ka mohla e ne e batalatsoe Kalvari. Ho tloha mona, ke tumelo, ho lumela mosebetsi o phethiloeng. Na ho joalo? [Phutheho e re, “Amen.”—Mohl.] Ho lokile.

<sup>221</sup> Joale, joale efèla haeba Jesu a phela, ’me ke buile Lentsoe la Hae . . . Ke eona, morao nthong e bobebé eo le tumelo, ho lumela Lentsoe la Hae. Mohla A neng a kōpana le ’na bosiu boo, O itse, “Mehleng eo u tla tseba le eona merero ea pelō ea bona. E ka re ha ba sa lumele pontšo eo ea pele ea letsoho, ena ba tla tlameha ho e lumela.” Ua bona? “E ka re ha ba hloleha mono, mali a rohaka lefatše.”

<sup>222</sup> Ho joalo ka ha e sebelitse nakong ea Moshe. Ho itsoe, “E ka re ha ba sa lumele lipontšo tse peli tseo, u tšollele mali holim’ a lefatše,” ua bona, “Tšollela metsi holim’ a lefatše, a tla fetoha mali.”

<sup>223</sup> Joale ho fumana feela. Holane nka bona bothata ba hao feela, na hoo ho tla khotsofatsa le ho etsa hore u lumele, ha ho joalo?

[Moena o re, “Ehlile.”—Mohl.] U a tseba hore e tla tlameha e be le khatiso ea Motha eo ke buang ka eèna, Jesu Kreste.

<sup>224</sup> Monna eo, ke sa tsoa mo sheba, o khutlela morao. O koahetsoe ke seriti. Ha ho moriana o ka thusang monna eo le ka mohla. O mothating oa ho shoa. Ke hantle. O sa tsoa etsoa karo, ’me karo e le karo ea prostate. ’Me mofetše, ’me mofetše o hasakane hohle ho uena. Haeba e lokile, phahamisa letsoho la hao. Ke Molimo o inotši o ka mo folisang. [Moena o re, “Alleluia! Alleluia! Alleluia!”—Mohl.] Empa, sheba, ke batla ho u bolella taba, monghali. Devele eo o ipatetse lehare la ngaka, empa a ke ke a ipatela Molimo. Na u lumela seo? Na u a e lumela? [“Oh! Oh!”] Ka hona kea rapela, ho re, ka Lebitso la Jesu Kreste, ntho ena e tlohe ho eèna, monna eo a phele. Hoo ha se letho; ke ho fokola feela. Ho lokile.

<sup>225</sup> ’Na le uena re melata, monna le mosali ba kōpana. Joale, joalo ka monna, ha ke u tsebe. ’Me koana, joalo ka mosali, ha u ntsebe; ha e se ha u kile ua bona lebitso la ka, kapa setšoantšo, kapa ho hong ho joalo. Empa ha re tsebane. Ke limelo tsa rōna tseo. E mong ha a tsebe semelo sa e mong. Empa khatiso ea Kreste, Ke Lentsoe, ’me Lentsoe le tšepisitsoe letsatsi lena. U nkutloile ke bua ka eona. Ha ho le joalo likhatiso tsa Hae li tla Mo tsebahatsa mona. Ha se ’na ea Mo tsebahatsang. Ha ke u tsebe. Lea utloisia. Na phutheho ea rōna—ea rōna e utloisia seo? [Phutheho e re, “Amen.”—Mohl.] Ua bona? ’Na ke—’na ke motho. Ke moena oa lōna feela.

<sup>226</sup> Joalo ka mosali selibeng, ho bua phoso, bothata bo teng ka uena, kapa ke seo u se batlang, kapa ke seo u se tletseng mona. Molimo e be moahloli oa eona. U jeoa ke maemo a anemia. Ke hantle, ha se eona na? [Khaitseli o re, “E.”—Mohl.]

<sup>227</sup> Ha ke—ke phetse ho e otla, motho o e hopola ke e hakantse feela. Ha ke hakanye letho. Che. Hang ka nako, ke utloa hoo, motho ea itseng. U ke ke ua pata mehopolo ea hao joale. Joale bonnyane, ke tseba, ho lutse babelaeli ba makhonthe ba babeli mona. Ua bona? Joale hopola nka bitsa lebitso la hao, hape, Molimo a ka khona, ka baka leo lesa ho nahana taba eo. E re ke u bontše.

<sup>228</sup> Sheba mona, leleiti. Ntalime. Ha ke tsebe seo A u boleletseng sona, empa ke—ke tseba seo A leng sona. ’Me eo ke khatiso ea Hae e tsebahatsoang. E, ke maemo a anemia, mali, metsi.

<sup>229</sup> Joale, mona, taba e ’ngoe ke ena. Ho bona haeba ba e hopola e le kakanyo feela. U ntse u rapella ngoana, o teng mona. [Khaitseli o re, “E.”—Mohl.] Ke hantle. E qoqothong ea hae, [“Yaa.”], litemetoane, adenoids. Le mothathing oa sehoa karo. Na ha ho joalo? [“E.”] Nka sakatuku seo u se behe holim’ a eona, ’me u lumele. [“E.”] Se belaele. E ke ke ea hloka karo. Joale e lumele ka pelō eohle ea hao.

<sup>230</sup> U phela joang? Taba ea eona, ea mosali enoa mona, u tšohile ntho e 'ngoe. U tšohile hore lebali leo la tsoalo le iphetotse mofetše. Uh-huh, uh-huh. Joale e-ea, lumela, 'me e ke ea etsahala. Tsamaea feela, ho lumela ka pelō eohle ea hao. Likhatiso, e seng tsa ka; tsa Hae!

<sup>231</sup> Le a lumela joale? [Phutheho e re, "Amen."—Mohl.] Hoo ho tlameha ho etsa hore mang le mang a lumele. ["Amen!"]

<sup>232</sup> Joale, ha ke u tsebe. Ke molata ho uena. Molimo o a u tseba. Na u lumela seo? U a tseba ha ke u tsebe, 'me u a tseba ha u ntsebe, na u lumela Moea ona o buang e ke ke ea ba moea oa ka? Hobane, 'na, joalo ka monna, ha ke u tsebe. Empa khatiso ea Lentsoe le tšepisitsoeng ke Lentsoe le bohale ho feta sabole e leolitsoeng ka nqa tse peli, 'me le senola mehopolo le merero ea pelō.

<sup>233</sup> U kula haholo. U ne u tšoere ke bothata ba mosali, e ne e le popelo, 'me popelo eo e tšoeroe ke mofetše. 'Me ua tloha ua noa kalafo ea mofuta, e ne e le kalafo ea radiumo, 'me ea mpa ea o hasakanya ka ho uena feela. 'Me u tla—u tla shoa ha Molimo a sa u folise. Ke 'nete. Na u a lumela joale O tla u folisa? [Khaitseli o re, "E."—Mohl.] Molimo oa Leholidō a khaleme devele eo e ipatetseng ngaka. ["Oh!"] E ka ba e ipatetse radiumo, empa e sang Moea o Halalelang. E-ea, lume le ho Eēna, joale, khaitseli. Se belaele le ka mohla, empa lumela.

<sup>234</sup> Ua lumela Molimo a ka folisa maemo ao a asma, le ho u phelisa? [Moena o re, "E."—Mohl.] Na u a lumela? U ka ikela, u nyakaletse, u ntse u re, "Kea U leboha, Morena. Kea lumela asma ea ka e felile."

<sup>235</sup> U phela joang? U tšoeroe ke linerefe. U jeloe ke linerefe nako e telele. Ka mono, e hlahisitse alsal a mala ka mpeng ea hau, e u—e u tsosetsa bothata ba mala. 'Me u batla...Na u batla ho ja sophoro ea hao? Na u tla etsa seo ke u laelang ho se etsa? E-ea, ja, ka Lebitso la Morena Jesu.

<sup>236</sup> Na u lumela ka pelō eohle ea hao? [Khaitseli o re, "Ke etsa joalo."—Mohl.] U leleiti le imametseng le khabane haholo, ka chalimo ea mahlo. Na u ntumela ho ba mohlanka oa Hae? ["Amen."] Na u lumela khatiso ea Hae e ka ba teng mona, ho... Lentsoe, ka Sebele, le tšepiso ea letsatsi lena, "Mesebetsi eo Ke e etsang le lōna le tla e etsa"? ["Amen."] Nke ke ka folisa. O se a entse hoo; empa khatiso ea Hae e a Mo pepesa, e ka bolela se phoso ka uena. U jeoal ke bothata ba maleiti, bothata ba botšehali. ["E, monghali."] Na u lumela Molimo a bo folisa hona joale? ["E. Amen."] U ka ikela, ha bo sa tla u hlopha le ka mohla. Lumela ka pelō eohle ea hao.

<sup>237</sup> Na u ntumela ho ba mohlanka oa Hae? [Khaitseli o re, "E, monghali."—Mohl.] Ha Molimo o ka mpolella bothata ba hau, na u tla e lumela e le khatiso ea Jesu Kreste? E mokokotlong oa hao. E nyametse. E-ea, lumela ka pelō eohle ea hao. Lumela.

<sup>238</sup> Tloo, leleiti. Le uena u jeoa ke mala. Lumela ka pelō ea hao eohle, 'me o tlohe ho ea ja sophoro ea hao. Lebala ka eona. Jesu Kreste o a u phelisa.

<sup>239</sup> Tloo. Bothata ba hao ke mali a hao. U jeoa ke daebetise. Na u lumela Molimo a tla u phelisa le ho u phekola eona? E-ea u ikele, le ho re, "Kea U leboha, Morena Jesu," ho u phelisa. E-ea, lumela ka pelō ea hau eohle.

<sup>240</sup> Tloo. Mokokotlo oa hao, u lumela Molimo a tla folisa mokokotlo oa u phelisa? Tloha u ka ikela, u nyakalle, u ntse u re, "Kea U leboha, Morena Jesu."

<sup>241</sup> Le uena u ne u jeoa ke ho hong mokokotlong. Se phetse ho tsamaea, ka ho re, "Kea U leboha, Morena. Ke folile." E lumele ka pelō ea hao eohle.

<sup>242</sup> Le uena u ne u jeoa ke mokokotlo. U tseba'ng ka taba eo? Lumela ka pelō ea hao eohle joale, 'me u kene tseleng ea hau 'me u phekolo. Lumela Jesu Kreste o a u phekola. "Ha u lumela, tsohle lia ka etsoa." Ho lokile.

<sup>243</sup> Holane ke sa bue letho ho uena; ho feta feela ke 'meha matsoho, na le lumela a tla fola? Ba bona se phoso. Na le lumela a tla etsetsoa joalo? Tloo koano. Ke hanela devele ena, ka Lebitso la Jesu Kreste. Matla a Molimo a folise ngoana. Amen. Se belaele, se belaele ho hang, 'me u tla phela. Lumela ka pelō eohle ea hao.

<sup>244</sup> Ha Molimo o sa u folise, u tla ikokotlela ka melangoana tsatsi le leng, ka athritis. Empa na u lumela Molimo a folisa athritis ea hau? U ka tloha, ua re, "Kea U leboha, Morena. Ke tla U lumela, 'me U a mphelisa." Ho lokile.

<sup>245</sup> Tloo joale. Hantle-ntle ke lilemo tsa hau. U hlile u tšeroe ke linerefe. Ho ferakana ruri, mantsiboea ha ho phirimile. Ka nako ha u sebetsa le ntho e 'ngoe le e 'ngoe, u hlile u jeoa ke linerefe. U a lumela joale? Ha e sa tla u tšoenya hape ke hona. Tloha u kene tseleng, u ntse u re, "Kea U leboha, Morena Jesu."

<sup>246</sup> Tloo, monghali. Na u lumela Molimo o phekola lefu la pelō? [Moena o re, "E."—Mohl.] U tla phekola pelō ea hao? Lūla u tsoelapele feela, ka ho re, "Kea U leboha, Morena. Ke lumela ka pelō ea ka eohle."

<sup>247</sup> Molimo o phekola TB, ua phelisa, hape. Na u lumela seo, monghali, ka pelō eohle ea hao? [Moena o re, "Kea e lumela."—Mohl.] Ho lokile. Tloha u kene tseleng ea hao u nyakaletse, ka ho re, "Kea U leboha, Morena Jesu."

<sup>248</sup> Ho ka thoeng ka lōna ka ntle mono, na lea lumela? Ho ka thoeng ka letšoelie? Ba bang ba lōna letšoeleng le lumele joale.

<sup>249</sup> Monna enoa ea lutseng hantle mona, ka bronchitisi, na u lumela Molimo a tla folisa bothata ba bronchiale? Ho lokile, u ka fumana seo u se kōpileng, ka hona. Amen.

<sup>250</sup> Khatello e holimō ea mali, ea lutseng hantle ka mora hae mono. Na u lumela Molimo a tla folisa khatelli ea hao e holimō ea mali? E u tlohetse, monghali. Ha ke mo tsebe, ha ke e-so 'mone bophelong ba ka.

<sup>251</sup> Hela, monghali, na u lumela ho thefuleha hoo ha mesifa ea hao, ho thefuleha ha mesifa ea methapo, na u lumela Molimo a tla e phekola? U etsa joalo? Phahamisa letsoho la hao haeba u lumela. Ho lokile.

<sup>252</sup> Mohats'ao o lutse mono, o khathatsoa le bothata ba disaenase. Na u lumela e tla u tlohela, le uena, khaitseli?

<sup>253</sup> Leleiti le lutseng hantle ka morao ho rōna mono, o tšoeroe ke neuritisi. Na u lumela Molimo a tla folisa neuritisi ea hao, leleiti?

<sup>254</sup> Leleiti le apereng baki e khubelu ke lena, o apere baki e khubelu, mona. O lutse mono. O jeoa ke disaenase, le eèna. Na u lumela Molimo a tla folisa bothata ba hao ba saenase? Phahamisa letsoho la hau, haeba u e lumela.

<sup>255</sup> Motho mang mona ea lumelang likhatiso tsa Jesu Kreste li le har'a rōna, bosiung bona, phahamisa letsoho la hao, ho re, "Kea e lumela." [Phutheho e a nyakalla 'me e re, "Kea e lumela!"—Mohl.]

<sup>256</sup> Bohle ba leng ka mona, ba tlang ho Mo amohela e le mofolisi oa lōna, emang ka maoto a lōna, le re, "Kea e lumela." Phahamang. Emang, litulong tsa lōna, le ha e ka ba eng. Jesu Kreste e sa le le eèna maobane, kajeno, le ka mehla. Ke Mo neha lōna, ka Lebitso la Morena Molimo.



*MOLIMO O ITSEBISA KA LIKHATISO TSA OONA* SST64-0320  
(God Identifying Himself By His Characteristics)

Molaetsa wona, ka Moena William Marrion Branham, o rerilwe sethatong ka Senyesemane Labohlano mantsiboea, Hlakubele 20, 1964, Denham Springs High School, mane Denham Springs, Louisiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)